

TNC 3205/3173.7

明崇禎年江陰縣志
卷七

46494



江陰縣志卷之七

昔藝文詩

登江中孤嶼

宋陳郡陽夏人謝靈運

江南倦歷覽。江北曠周旋。懷新道轉迴。尋異景不延。亂流趨正絕。孤嶼媚中川。雲日相輝映。空水共澄鮮。表靈物莫賞。蘊真誰為傳。想像崑山姿。緬邈區中緣。始信安期術。得盡養生年。

行經季子祠

陳清河東武城人張正見

延陵高讓遠。傳芳世祀移。地絕遺金路。松悲掛劍枝。野藤侵沸井。山雨濕苔碑。別有觀風處。樂奏無人知。

哈佛大學哈佛燕京圖書館珍藏印



奉和晚日楊子江應教

隋襄陽人柳詒字顧

大江都會所。長洲有舊名。西流控岷蜀。東泛邇蓬瀛。未覩

繼羅動先聽。晚濤聲。空濛雲色晦。浹疊浪華生。欲知暮雨

歇。當觀飛旆輕。

賞 九日宴江陰

初唐襄陽人唐杜審言字必

蟋蟀歸期晚。茱萸節候新。降霜青女月。送酒白衣人。高興

要長壽。卑棲隔近臣。新沙即此地。舊俗坐為隣。

哀節婦薄氏詞

盛唐贊皇人李華字遐

昔歲隋盜並起。橫行海浙。江陰萬戶。化為凝血。無石不焚。

無玉不折。峩峩薄媛。炯然名節。自牧之子。鄒徵之妻。玉德

蘭姿。女之英兮。鄒也避禍。伏于榛莽。婉如之賓。執為囚虜。

匍匐泥沙。極望無睹。出授官之告。託垂白之姥。姥感夫人。

爰達鄒君。兵解求屍。在於江濱。哀風起為連波。痛氣結為

孤雲。鳧雁為之哀鳴。日月為之蒙昏。端標移景而恒直。勁

芳貫霜而猶存。知子莫若父。誠哉長者之言。自牧謂余曰僕有賢女

過春申君祠

中唐兗州人張繼字懿

春申祠宇空山裏。古栢陰陰石泉水。日暮江南無主人。彌

令過客思公子。蕭條寒景傍山村。寂寞誰知楚相尊。當時

珠履三千客。趙使懷慚不敢言。

江村亂後

中唐姑蘇人顧況字逋

江村日暮尋遺老。江水東流橫浩浩。竹裏間窓不見人。門前舊路生青草。

江南春

中唐蘇州人張籍字文昌

江南楊柳春。日暖地無塵。渡口過新雨。夜來生白蘋。晴沙鳴乳燕。芳樹醉遊人。向晚青山下。誰家祭水神。

送王汶宰江陰

中唐延陵人包何字幼嗣

郡北乘流去。花間竟日行。海魚朝滿市。江鳥夜喧城。止酒非關病。援琴不在聲。應緣五斗米。數日滯淵明。

江上田家

包何

近海川原薄。人家本自稀。黍田期臘酒。霜葉是寒衣。市井無相識。漁樵夜始歸。不須騎馬問。恐畏狎鷗飛。

和程員外春日東郊卽事

包何

郎官休浣憐遲日。野老懽娛爲有年。幾處折花驚蝶夢。數家留葉待蠶眠。藤垂宛地縈珠履。泉迸侵堦浸綠錢。直到閉關朝謁去。鶯聲不散柳含煙。

江城晚眺

中唐清州人張祐字承吉

重檻構雲端。江城四鬱盤。河流出郭靜。山色對樓寒。浪草侵天白。霜林映日丹。悠然北江思。樹杪幾檣竿。

舜井

中唐越州人朱慶餘原名可久

碧甃磷磷不記年。青蘿鎖在小山顛。向來下視千秋水。疑

是蒼梧萬里天

酬竇拾遺秋日見呈

時公自江陰令除諫官

中唐皇甫曾

字孝長

孤城永巷時相見。衰柳閒門日半斜。欲送近臣朝魏闕。猶

憐殘菊在陶家

新安送陸澧歸江陰

唐河間人劉長卿

字文房

新安路人來去。早潮復晚潮。明日知何處。潮水無情亦解

歸自憐長在新安住

舜祠

劉長卿

絃絕松風在。芳祠悵落暉。祇應山鬼護。萬古仰垂衣。

送韓司直路出延陵

唐中山人郎士元

字若曹

遊吳還適越。來往任風波。復送王孫去。其如春草何。岸明

殘雪在。潮滿夕陽多。季子留遺廟。停舟試一過。

定山寺

唐蒲州人薛逢

字陶臣

十里松蘿映碧苔。一川情色鏡中開。遙聞上界翻經處。片

片香雲出院來。

承恩量移宰江邑。臨鄱江悵然之作

中唐李嘉祐

字從一

四年謫宦滯江城。未厭門前鄱水清。誰言宰邑化黎庶。欲

別雲山如弟兄。雙鷗為底無心狎。白髮從他遶髮生。惆悵

閒眠臨極浦。夕陽秋艸不勝情。

趙州人江陰令

晚登江樓有懷

李嘉祐

獨坐南樓佳興新。青山綠水共為隣。爽氣遙分隔浦岫。斜
光偏照渡江人。心閒鷗鳥時相近。事簡漁竿私自親。只憶
帝京遙可到。秋琴一弄欲沾巾。

江上曲

李嘉祐

江心淡淡芙蓉花。江口蛾眉獨浣紗。可憐應是陽臺女。坐
對鷺鷥嬌不語。掩面羞看北地人。迴身忽作空山雨。蒼梧
秋色不堪論。千載依依帝子魂。君看峰上斑斑竹。盡是湘
妃泣淚痕。

春日思家

李嘉祐

自覺勞鄉夢。無人見客心。空餘庭草色。日日伴愁吟。

仲夏江陰官舍寄裴明府

李嘉祐

萬室邊江次。孤城對海安。朝霞晴作雨。濕氣晚生寒。苔色
侵衣桁。潮痕上井欄。題詩招茂宰。思爾欲辭官。

登山
自蘇臺汎舟至望亭驛因寄從弟紆
李嘉祐

南浦菰蒲覆白蘋。東吳黎庶逐黃巾。野棠自發空流水。江
燕初飛不見人。遠樹依依如送客。平田渺渺獨傷春。那堪
回首長洲苑。烽火年年報虜塵。

嘗州韋郎中汎舟見餞

李嘉祐

主人憑軾貴。送客汎舟稀。過岸隨芳艸。回橈背落暉。映花
雙節駐。臨水伯勞飛。醉與羣公狎。春塘露冕歸。

送朱中舍遊江東

李嘉祐

孤城郭外送王孫。越水吳洲共爾論。野寺山邊斜有徑。漁家竹裏半開門。青楓獨映搖前浦。白鷺閒飛過遠村。若到西陵征戰處。不堪秋草自傷冤。

江陰

李嘉祐

西望香爐雪。千峯晚色新。白頭悲作吏。黃紙苦催人。多負登山屐。深藏漉酒巾。傷心公府內。手板日相親。

不自嘗州還江陰途中作

李嘉祐

處處空籬落。江村不忍看。無人花色慘。多雨鳥聲寒。黃霸初臨郡。陶潛未罷官。乘春務征伐。誰肯問凋殘。

送陸士倫宰義興

李嘉祐

陽羨蘭陵近。高城帶水閒。淺流通埜寺。綠茗蓋春山。長吏先愁罷。遊人詎肯還。知君日清淨。無事掩重關。

送皇甫冉往安宜

李嘉祐

江臯盡日唯煙水。君向白田何日歸。楚地蒹葭連海迴。隋家楊柳映堤稀。津樓故市無行客。山館荒城閉落暉。若問行人與征客。使君雙淚定沾衣。

七夕京口旅泊章侍御寄書相問

李嘉祐

移家避寇逐行舟。厭見南徐江水流。吳越征徭非舊日。秣陵凋敝不宜秋。千家閉戶無砧杵。七夕何人望斗牛。祇有

同時驄馬客。偏宜尺牘問窮愁。

留別毘陵諸公

李嘉祐

久作澄陽令。丹墀忽再還。淒涼辭澤國。離亂到鄉山。北固灘聲滿。南徐艸色閒。知心從此別。相憶鬢毛斑。

送友人游江南

中唐河東人 耿湜

遠別悠悠白髮新。江潭何處是通津。潮聲偏懼初來客。海味惟甘久住人。漠漠煙光前浦晚。青青草色定山春。汀洲更有南迴鴈。亂起聯翩北向秦。

芙蓉湖

晚唐京兆人 杜牧 字牧之

丹樹村邊烟火微。碧波深處雁初飛。蕭條葉落垂楊岸。隔

水寥寥聞搗衣。

水寬山遠烟嵐迥。柳岸縈迴在碧流。清晝不風鳧雁少。却疑初夢鏡湖秋。

五賦詩 并引

晚唐襄陽人 皮日休 字襲美

毘陵處士魏君不琢。氣真而志放。居毘陵凡二紀。閉門窮學。是乎。里民不得以師之。非乎。里民不得以訾之。用之不難進。利之被人也。捨之不難退。辱非及已也。噫。古君子處乎進退而全者。繇此道乎。抑夷之隘。惠之不恭。不能造于是也。江南秋風時。鱸肥而難釣。菰脆而易挽。不過乘短舫。載一甌酒。加以隱具。繇五瀉涇。入震澤。穿

松陵抵杭越耳。日休嘗聞道于不琢。敢不求雅物。成雅
 思乎。於是買釣船一。修二丈濶三尺。施篷以庇煙雨。謂
 之五瀉舟。天台杖一。色黯而力適。謂之華頂杖。有龜頭
 山疊石硯一。高不二寸。其仞數百。謂之太湖硯。有桐廬
 養和一。怪形拳跼。坐若變去。謂之烏龍養和。有南海覺
 魚殼樽一。澀鋒齷角。內玄外黃。謂之訶陵樽。皆寄于不
 琢。行以資雲水之興。止以益琴籍之玩。真古人之雅贖
 也。因思乘韋之義。不過于詞。遂為五篇目之曰五贖。兼
 請魯望同作。

五瀉舟

皮日休

何事有青錢。因人買釣船。闊容兼餌坐。深許共蓑眠。短好
 隨朱鷺。輕堪倚白蓮。自知無用處。却寄五湖仙。

華頂杖

皮日休

金庭仙樹枝。道客自攜持。探洞求丹粟。挑雲覓白芝。量泉
 將濯足。闌鶴把支頤。以此將為贈。唯君盡得知。

太湖硯

皮日休

求於花石間。怪狀乃天然。中瑩五寸劒。外差千疊蓮。月融
 還似洗。雲濕便堪研。寄與先生後。應添內外篇。

烏龍養和

皮日休

壽木拳數尺。天生形狀幽。把疑傷虺節。用恐破蛟瘤。置合

月觀內。買須雲肆頭。料君攜去處。烟雨太湖舟。

訶陵樽

皮日休

一片鯿魚殼。其中生翠波。買須能紫貝。用合對紅螺。盡瀉判狂樂。禁敲任浩歌。明朝與君後。爭那玉山何。

寄魏璞

皮日休

文籍先生不肯官。絮巾衝雪把漁竿。一堆方冊為侯印。三級幽巖是將壇。醉少最因吟月冷。瘦多偏為卧雲寒。兔皮衾煖篷舟穩。欲共誰遊七里灘。

五瀉舟

晚唐吳郡人

陸龜蒙

字魯望

漾自桐川得。詞因隱地成。好漁翁亦喜。新白鳥還驚。沙際擁江沫。渡頭橫雨聲。尚應嫌越相。遺禍不遺名。

太湖硯

陸龜蒙

誰截小秋灘。間窺四緒寬。繞為千嶂遠。深置一潭寒。坐久雲應出。詩成墨未乾。不知新博物。何處擬重刊。

烏龍養和

陸龜蒙

養和名字好。偏寄道情深。所以親逋客。兼能助五禽。倚肩滄海望。鉤膝白雲吟。不是逍遙侶。誰知世外心。

訶陵樽

陸龜蒙

魚幣匠成樽。猶殘海浪痕。外堪欺玳瑁。中可酌崑崙。水繞苔磯曲。山當艸閣門。此中醒復醉。何必問乾坤。

華頂杖

陸龜蒙

萬古陰崖雪。靈根不為枯。瘦於霜鶴脰。奇似黑龍鬚。拄訪
譚玄客。持看潑墨圖。湖雲如有路。兼可到仙都。

寄魏璞

陸龜蒙

經苑方成墨沼開。何人林下肯尋來。若非宗測圖山後。卽
是韓康賣藥迴。溪籟自吟朱鷺曲。沙雲還作白鷗媒。唯應
地主公田熟。時送君家麩蘖材。

迎潮送潮詞

陸龜蒙

江霜嚴兮楓葉丹。潮聲高兮墟落寒。鷗巢卑兮魚箔短。遠
岸沒兮光爛爛。潮之德兮無際。既充其大兮。又充其細密。

幽人兮款柴門。寂寞流連兮。依稀舊痕。濡餘澤稿兮。潮之
恩不戶其功兮。歸于混元。

潮西來兮又東下。日染中流兮紅灑灑。江段蒼兮水蓼枯。
風蕭騷兮愁烟孤。大幾望兮微將翳。被瀛溶兮欽然而退。
愛長波兮數數。一幅巾兮無纓可濯。帆生塵兮棹有衣。悵
潮之歸兮。吾猶未歸。

延陵張宰

陸龜蒙

春盡未離關。之官亦似閒。不嫌支薄俸。爲喜帶名山。默禱
三真後。高吟十字還。祇應江上鳥。時下訟庭間。

奉和皮襲美先輩悼鶴二首

晚唐魏璞字不
邑人

直欲裁詩問冥。豈教靈化亦浮生。風林月動疑留魄。沙
島烟愁似蘊情。雪骨夜封蒼蘚冷。練衣寒在碧塘輕。人間
飛去猶堪恨。况是泉臺遠玉京。
經秋宋玉已悲傷。况報胎禽昨夜亡。霜曉起來無問處。伴
僧彈指繞荷塘。

舜山後牛跡石

魏璞

耕鑿連雲磴。蹄痕見福衡。泣旻伸養志。喘月藉留名。紀鳳
儀同美。歌麟趾並榮。勝遺方寸地。風動後人耕。

送張惟真少府之江陰

晚唐隴西人 李中 字有中

相送烟汀畔。酒闌登小舟。離京梅雨歇。到邑蚤蟬秋。俗必
期康濟。詩誰互唱酬。晚涼諸吏散。海月入虛樓。

江行晚泊

李中

扁舟倦行役。寂寂宿江干。半夜風雷過。一天星斗寒。潮平
鷺嘴沒。霜苦鴈聲殘。漁父何疎逸。扣船歌未闌。

送江陰霍明府之任

晚唐新安人 方干 字雄飛

遙遙去舸新。侵郭葦兼蘋。樹列巢灘鶴。鄉多釣浦人。虹分
陽羨雨。浪隔廣陵春。知竟三年袂。琴書外是貧。

潮水

宋司馬光 字君實

平江欲上潮。古木自蕭蕭。兩岸饒葦葦。寒波浸次寥。

江上別石郎中

宋周惇頤 字元公

江陰縣志
落葉蟬聲古渡頭。沙灘人擁欲行舟。別離情似長江水。遠亦隨君日夜流。

春草

邑主劉放字貢簿父

春草綿綿未有名。水邊原上亂抽縈。似嫌車馬繁華地。纔入城門便不生。

送王判官之江陰軍幕

宋宣梅堯臣字聖俞城人

往時初渡江。頗愛江南美。誰知坐卧間。思及煙波裏。絮逐鮎魚繁。豉添菘線紫。君行語風物。到日應相似。

夫子篆

宋梅堯臣

季子墓傍碑。古稱尼父篆。始沿春秋義。十字固莫刻。磨敲任牧童。侵剝因野蘚。嗟爾後之人。萬言書不淺。

送江陰簽判晁太祝

梅堯臣

去無珠履為上賓。進船申浦憶春申。江田插秧鵝鳩雨。絲網得魚雲母鱗。青夭折桂香未減。紫豉煮菘甘更新。平時况可樂風月。吳風信美聊前陳。

送王郎中知江陰

梅堯臣

持歸霄漢青綾被。去看吳都白馬潮。疊鼓渡江寒浪伏。鳴鏡入境野雲飄。魚穿楊柳誇鯨膾。人采芙蓉學細腰。家有三槐為太守。弟兄誰似李文饒。

求守江陰未得酬朱昌叔憶江陰見及之作

黃田港北水如天。萬里風檣看買船。海外珠犀長入市。人間魚蟹不論錢。高亭笑語如昨日。末路塵沙非少年。強乞一官終未得。祇君同病肯相憐。

宋臨川人王安石 字介甫

寄朱昌叔

王安石

清江浸浸遶城流。尚憶城邊繫小舟。射虎未能隨李廣。割雞空欲戲言游。雲埋塞路驚塵合。霜入春風滿鬢愁。此日君書苦難得。漫多鴻鴈起南洲。

九日登東山寄昌叔

王安石

城上啼烏破寂寥。思君何處坐峯堯。應須綠酒醺黃菊。何必紅裙弄紫簫。落木雲連秋水渡。亂山煙入夕陽橋。淵明久負東籬醉。猶分低心事折腰。

思王逢原二首

名令年二十八卒

王安石

布衣阡陌動成群。卓犖高才獨見君。杞梓豫章蟠絕壑。麒麟驥裏跨浮雲。行藏已許終身共。生死那知半路分。便恐世間無妙質。鼻端從此罷揮斤。百年相望濟時功。歲路何知向此窮。鷹隼奮飛凰羽短。麒麟埋沒馬群空。中郎舊業無兒付。康子高才有婦同。想見江南原上墓。樹枝零落紙錢風。

江上

王安石

村落家家有濁醪。青旗招客解征袍。春雲似補林塘缺。堊水遙連草樹高。寄食舟車隨處敝。行歌天地此身勞。遲回自負平生志。豈是明時惜一毫。

寄王安石

邑令

朱昌符

字昌叔

江上城隍古鏡中。城邊山色翠屏風。魚鰕接海隨時足。禾稻連湖逐歲豐。太伯人民堪教育。春申溝港可疏通。

暨陽居四首

邑人王

令

子逢原

出無王事牽。入不治居舍。蒿藜入墻屋。塵垢變凡架。糟糠苟無憂。智力取自暇。逢時即廢日。得客輒忘夜。積懶遂成性。習勤反如詐。幾不類怠傲。媿耻將何謝。

身非爵與官。車馬久不謀。家無田倉除。雀鼠非我仇。朝出從人居。詩書講前修。暮從兒子嬉。歡笑何所憂。閒將筋力疲。懶使志慮收。斗糈尚煩送。誰謂能無求。

自吾居暨陽。已見月四周。流年不我謀。寒暑忽已適。志來何足歎。苟死固無羞。於今用力薄。莫齒將何收。斯道久泯泯。斯人固悠悠。歸豚非吾心。在禮惡不酬。從人效屈伸。俛仰豈自由。於命有當然。信矣何足羞。

遊壽寧寺

寥蕭枝上風。蛸蛩以秋告。黯黳道傍樹。綠蔭涼可冒。况承積陰餘。急雨蕩晴昊。初涼逞新威。宿暑懲舊躁。漫漫出門

路踽踽可誰造。江聲洶西奔。海遠劇東到。中門可行望。洗滌去塵抱。况於林阜間。古屋架晴燥。蚊蟲稍斂收。軒戶可淹傲。惜乎予得遊。不可攜所好。踟躕佇歸步。風竹冷相勞。

予謫儋耳。葛延之自江陰來訪。遺手製龜冠。留一月。

贈以詩。

宋眉山蘇軾字子瞻

南海神龜三千歲。兆叶朋從生慶喜。智能周物不周身。未免人鑽七十二。誰能用你作小冠。峒嶺耳孫矧其製。今君

此去寧復來。欲慰相思時整視。韻語陽秋云。蘇集無此詩。予嘗見其親筆。

久寓悟空刹行而書之。

岑寂精廬切半空。古原高下稻花中。蓮趺披素新秋社。花

萼雕紅細雨宮。孤鶴睡迷千樹月。斷蟬吟遶一樓風。心靡

尺組遙相謝。歸馬南蹄疾似蓬。

和江上觀潮

地卷天回出海東。人間何事可爭雄。千年浪說鴟夷怒。一

信全疑渤澥空。寂靜最宜聞夜枕。崢嶸須待駕秋風。尋思

物理真難測。隨月虧圓亦未通。

復葛通議

天聖八年。寄居悟空院。留詩僧壁。今三十五年。人事變

遷。存沒懷感。子發遠惠新篇。語及曩舊。披攬數過。悽惻

之極。輒復短章。少伸勤懇。治平元年甲辰正月二十八

日

崇禎十三年

日書。

空梁詩板歲年多。唯有秋蟲占作窠。聞道故人時拂拭。此生無奈舊情何。

觀悟空寺留題寄蔡君謨

并序

宋葛密

近造浮屠之悟空者。觀君謨省主給事留題詩板列楹棟間。粲然可識。因撫方袍氏之意。成絕句一章以寄。

昔年詩板著蓮宮。筆力雄豪墨彩豐。不日三階平國政。悟空僧待碧紗籠。

冬夕宿演教院

邑人葛密

槭槭嚴風夕。煙寒蕙炷清。燈生花裏豔。雨作雪時聲。旅夢

回殘角。吟懷遶廢城。寺直古之廢城寂然群動息。吾亦世紛平。

壽寧院呈山主志師

宋葛密

一徑直岩隈。亭軒四面開。濤頭轉山急。雨脚滿江來。怪石生雲氣。修篁待鳳材。他年白蓮社。應許繼宗雷。

後催租行

宋吳門人范成大字致能

老父田荒秋雨裏。舊時高岸今江水。傭耕猶自抱長飢。的知無力輸租米。自從鄉官新上來。黃紙放盡白紙催。買衣得錢都納却。痛骨雖寒聊免縛。去年衣盡到家口。大女臨歧兩分首。今年次女已行媒。亦復驅將換升斗。室中更有第三女。明年不怕催租苦。

冬春行

范成大

臘中儲蓄百事利。第一先春年計米。群呼步碓滿門庭。暹
杵成風雷動地。篩勻箕健無糶糠。百斛只費三日忙。齊頭
圓潔箭子長。隔離耀日雪生光。土倉宅龕分蓋藏。不蠹不
腐常新香。去年薄收飯不足。今年頓頓炊白玉。春耕有種
夏有糧。接到明年秋刈熟。隣叟來觀還歎嗟。貧人一飽不
可賒。官租私債紛如麻。有米冬春能幾家。

祭竈詞

古稱臘月二十四。竈君朝天欲言事。雲車風馬少留連。家
有杯盤豐腆祀。猪頭爛熟雙魚鮮。豆砂甘鬆粉餅圓。男兒
酌酒女兒避。酹酒燒錢竈君喜。婢子鬪爭君莫聞。猶狗觸
穢君莫嗔。送君醉欲登天門。杓長杓短勿復云。乞取利市
歸來分。

爆竹行

范成大

歲朝爆竹傳自昔。吳儂政用前五日。食殘豆粥掃罷塵。截
筒五尺煨以薪。節間汗流火力透。健僕取將仍疾走。兒童
卻退避其鋒。當堦擊地雷霆吼。一聲兩聲百鬼驚。五聲六
聲鬼巢傾。十聲連百神道寧。八方上下皆和平。卻拾焦頭
疊牀底。猶有餘威可驅癘。屏除藥裹添酒杯。盡日嬉遊夜
濃睡。

燒火盆行

范成大

春前五日初更後排門燃火如晴晝。大家薪乾勝豆蘄。小家帶葉燒生柴。青煙滿城天半白。栖鳥驚飛啼格磔。見孫圍坐雞犬忙。隣曲歡笑遙相望。黃宮氣應纔兩月。歲陰猶驕風栗烈。將迎陽令作好春。正要火盆生暖熱。

燈市行

范成大

異臺今古繁華地。偏愛元宵燈影戲。春前臘後天好晴。已向街頭作燈市。疊玉千絲似鬼工。剪羅萬眼人力窮。兩品爭先最先出。不待三五迎東風。兒郎種麥荷鋤倦。偷閒也向城中看。酒壚博塞雜歌呼。夜夜長如正月半。災傷不及

什之三。歲寒民氣如春酣。農家亦幸荒年少。始覺城中燈

市好。

江漲

宋丹 唐庚 字子西

秋來雨似澆。雨罷水如潮。市改依高岸。津喧沒斷橋。雲陰哭婦池。溢走魚苗。天意良難測。前時旱欲焦。

憶廣福寺牡丹

宋 胡宿

十日春風隔翠岑。低因繁朵自成陰。尊前可要人頽玉。樹底遙知地側金。花界三千春渺渺。銅槃十二夜沉沉。離盤分筴何由得。空作西州擁鼻吟。

宿悟空院

邑宋 葛書思

高枕僧房夜漏深。紙窓俄見月華侵。抗塵走俗成何事。問道參禪徒在心。智鏡直須真裏照。機鋒莫逐句中尋。悟空不見悟空者。漫對寒燈擁鼻吟。

宿江陰廣福寺

宋陳鈞

我非山中人。暫借山中宿。靈風散微陰。片月出喬木。蕙帳棲夕香。古井汲寒淥。名緇多夙契。延坐同茗粥。况與靜者俱。繕性久已熟。清辭儂陶謝。玄談幹身毒。所媿形跡拘。無由繼高躅。鐘聲殷江島。露氣藹林麓。良遇愜素懷。徘徊至天旭。

題定山梵放軒

宋胡瑄

道人避世氛。山腰着祇園。千夫劓青冥。豁達窓戶寒。鬼神間。施設儼護龍象筵。法鼓空中鳴。龍卧層崖巔。幽靈駭今昔。異事樵夫傳。眷茲水雲侶。精賞託妙緣。努力辦已事。追駕佛祖肩。憑高發鍾磬梵音。落諸天。況時解禪縛。迢遙倚層軒。放意萬物外。目送孤鴻翮。

登君山酬馬粹老

宋楊蟠字公濟

北轉滄波遠翠微。登臨憶共看雲飛。別來樂事應如舊。老去相逢亦已稀。誰與畫圖傳勝迹。忽從詩字得清暉。江山歷歷皆堪數。不記當年幾醉歸。

江陰書事

楊蟠

流年漫記交朋在。獨坐孤城歎物華。海上帆來何處客。煙中犬吠幾人家。雲寒鴈影翻紅炤。水落鷗群占白沙。江國已知身世遠。更無覓夢遶天涯。

郡守按視橫河

楊蟠

處處門開犬不驚。田間把酒聽啼鶯。風吹柳渡春將晏。雲近花村雨復晴。工就千旗歸尚早。令齊萬鋪下無聲。新流滿滿何時放。便擬浮船去入城。

水月菴

舊在廣福寺

楊蟠

玉水冥涵一氣邊。僧來倚杖倒看天。光含物色空相炤。影到人心祇自圓。落葉無留寒炯炯。潛魚不動夜娟娟。平生漫負安禪意。欲坐清涼未有緣。

熙春園

舊在郡學東偏

楊蟠

桃源未識恐微茫。每坐青林慣日長。魚鳥自同千里樂。風煙漫逐一城香。竹圍月色來深院。花引春情過短牆。人世定知何處好。且勤詩酒惜年光。

澄江亭

楊蟠

萬里松州對海門。蒼亭縹緲出飛塵。東浮不礙三江下。西轉無聲百谷賓。月靜秋紋收白縠。天橫暮色變黃銀。風流小謝千年外。解詠消愁更有人。

澄江門

楊蟠

獨上高樓望海川。青山幾點送歸船。寒光淡淡浮紅日。曉色冥冥散白煙。浦外落霞爭捲燒。池中流水自開蓮。結句

朝宗門

楊蟠

百尺樓高四望中。雲深一鴈度長空。人間砧杵催寒事。郊外笙簫逐土風。天帶江山元自好。地流河漢忽相通。丹心直北看飛雪。往往隨花入帝宮。

玉乳泉

楊蟠

天藏物啓有靈根。玉乳銀漿豈易分。淨鑑當空寒自照。流珠落澗遠先聞。潤生冉冉雙林雨。香出濛濛一井雲。今日石魚行酒地。次山重爲勒銘文。

練江亭

楊蟠

寒光萬頃澹高秋。粉壁朱闌淨客愁。晚日蕭蕭聞落葉。晴天歷歷數飛鷗。烟橫絕島疎難捲。月在平波瑩不流。懷抱未忘知有處。且吟風笛醉滄洲。

題定山寺法遠上人壁

賀鑄

鑄字方回

江山色似招人。豈無暇日容高卧。如有閒田願卜隣。預約東城二三子。歲時相過莫辭頻。

書懷呈江陰軍

裴若訥

男兒憂道不憂貧。匣有焦桐篋有文。却訪姑蘇臺下隱。滿

船明月一溪雲。

紫萼江上是吾家。一葉扁舟一釣車。何必陶公種魚法。雨

汀煙渚盡生涯。

清孝里

宋林庚

磊磊錫山昏。人家半掩門。虹橫秋木杪。鶴卧雪蘆根。表立
飛來鶴。香留僊去覓。日高風力雋。一鴈過前村。

冰玉堂

宋林庚

柳凹放出一山來。堂闢秋壺恰剪裁。門冷和他公事少。吟
清添我宦情灰。非無景物皆天與。只許梅花帶雪開。泉石
相輝忻自賞。不知省得幾塵埃。

虎跑泉

宋楊端叔

蒼髯白甲深山龍。山門高高龍所宮。清苔天矯絕可喜。滿
地狼籍拋頑銅。於菟殷勤水供養。道人回施無盡藏。匏尊
一滴到陶泓。灘聲浩浩西山漲。

又

宋張彥卿

乳泉發穴漏岩根。亂石成池溜始分。鴻漸當時高品第。虎
跑今日信傳聞。山僧勺供疑甘露。野史烹茶勝白雲。應是
靈源遲出地。不然須冠季卿文。

又

宋李喬

虎丘巖畔識泉根。股引瓊腴此處分。品絕未應容易得。地

靈難使等閑聞。聲寒夜雜林間籟。氣潤朝隨谷口雲。十和清篇盈麗軸。強牽已句不成文。

寬民堂

宋顏耆仲

聖訓昭垂本至仁。此堂取義立名新。通商有道能來遠。計利無心益為民。寬賜一分皆德意。奉行兩字屬微臣。年年寶貨千般集。好是熙臺到處春。

喜雨軒

顏耆仲

六月炎炎苦旱災。斯民何罪守非才。爐烟未斷濃雲合。神物潛驅好雨來。苗稿復蘇青易見。鬢愁雖喜白難回。也知慰我三農望。膏澤應須徧九垓。

季子廟

袁默

巢由高風不可及。後世家邦皆子襲。東周不競諸侯強。中原未許干戈戢。修盟軟血血未乾。秋草離離戰鬼泣。闔廬釋楚夫概奔。公子糾殺桓公入。兄弟之間寧固多。且正衣冠暮成執前規。舊轍不遠人。嗚呼季子其肯立。吳民猶有德吳心。廟貌相望在封邑。懷古令人意慘悽。日落疎林風習習。

白龍洞

袁默

開元年中關輔旱。靈岳神祠禱幾徧。少監馮生能畫龍。明皇命試新池殿。落筆蜿蜒勢未已。素鬣冰鱗灑如洗。池波

洶湧雷電驚。雲氣之門白龍起。吾觀馮豈作霖人。畫龍能
雨疑有神。深山大澤多窟穴。不應杳眇不似真。澄江接海
運空白。泓深當是神龍宅。螭虬狡獪非其倫。河伯江妃敢
驅役。霜鎖煌闕晝不開。時傾膏雨蘇民災。一爐香火動誠
意。風馬雲車天際來。吾聞澤國多水患。淮甸地乾多苦旱。
願均神力遍四方。無令水旱常相半。

釣魚臺

袁默

將相寧有種。屠狗飯牛皆可用。富貴出長年。勿謂暮涂吾
倒行。先君太公望久矣。日老渭陽心以此。君臣相得漁獵
間。廓清八表功名起。奠鼎扶周卜世長。洋洋齊封二千里。

曹公黃相俱。至今猶有釣魚臺。苔侵石剝夕陽裏。衮
衮寒江潮去盡。

盜城

袁默

勝母不寓參。朝歌不留墨。初無實患禍。事以虛名得。蘭陵
東鄒魯。昧此殊未識。盜跖咎橫行。九州皆反側。嘗所休憩
地。惡聲今未極。一夫肆無良。千載名以賊。儒生始發冢。志
氣不自力。一朝處富貴。養交偷祿食。此而不云盜。吾故未
免惑。當知跖死時。一笑無慚色。至今荒城下。尚有狐兔匿。

石女塚

袁默

君不見。湘江不流湘水清。悲風愁雨能無情。靈妃寶瑟聲

未絕。九疑雲鎖蒼梧深。又不見霸陵路入新豐道。顧念邯鄲意悽惱。夫人鼓瑟君為歌。北山為梓吾將老。古來死者不勝計。歷歷道傍猶可記。人言梁女好鼓琴。琴心未許人知音。高山流水聲已虛。想像當時足幽思。九原可作誰與歸。秋風蕭蕭草淒淒。丘墟之下多狐狸。

秦望山

袁默

海上仙山與凡絕。迢迢弱水不可涉。鳥鷹路隼豈不知。長生不死心未滅。雄伯關中亦一時。并吞六國猶指揮。自矜功德愚黔黎。驅山塞海疑有之。吾聞盧生言。辟惡真人至。又聞徐市言。蓬萊藥可得。願捕巨魚連弩射。史遷記此不

及彼古老相傳恐真是。岷峨一夜失崔嵬。我耳山從蜀峽來。嗟乎六丁汝狂斐。區區為役長城鬼。

君山

君山

君不聞吹簫得仙雙帝子。宅門勅牌金書字。又不聞馬家堂宇色未昏。宅門題作鳳城圍。古來將相多高第。今不為園即為寺。吾觀黃歇相楚時。豈意異特真似此。晚周諸國勢相傾。齊趙信陵爭下士。何術能令楚復強。三千賓客多珠履。一旦不謀毋望人。身亡家破神朱英。嗟乎養士謾誇許。得失何異一老兵。吳墟索莫故城在。庭殿但聞鐘磬聲。猿哀鶴怨松風裏。遺恨江流終未平。

江陰縣志 卷七 詩 修廟十三年

定山虎跑泉 靈液何年綻石根。山枝一脉爪形分。浮沙影動空中見。漱玉聲寒靜處聞。有用漫滋春畝稼。無情長浸曉岩雲。今朝美味方逢鑒定。向前經補缺文。

胥湖 詩人畏說賊。願以投有北。一墮邪佞計。永使忠言塞。楚平納秦女。奢死尚不顧。君臣且苦兵。其邪此子去。子胥初亡時。乞食心誰知。解劍贈漁父。脫身願吳歸。壯心不自釋。擊劍歌湖側。丈夫堅孝義。有如此水白。一朝雪大耻。高名垂後世。至今田畝間。猶識胥曾至。抑又聞闔廬。病創歷苦語。

母忘句踐殺汝父。夫差一聽伯嚭譏。盡肉家邦啗狼虎。殺身樹子終奈何。邪佞害人如此多。懷王若念前龜鑑。不到三閭沉汨羅。

人非浮遠堂 宋 孫 覲

丹墮山城曉。沙寒水國秋。雲根拔地起。冰柱蹴天浮。紫翠分蒼嶺。青紅雜蜃樓。舟船通萬里。城郭數三州。刺史馮熊貴。仙翁控鯉遊。八龍追後騎。五馬駐前騶。露鳥迎門鵲。風簾壓海牛。地偏餘勝踐。山好對冥搜。雨為催詩至。雲應度曲留。歡呼領百罰。跌宕散千憂。顛倒青霞帔。淋漓紫綺裘。誰鑿峴山石。千載記風流。

崇禎十三年

踏莎行

賦稼軒集經句

風流

邑簽判

辛弃疾

字幼安

進退存亡行藏用舍。小人請學樊須稼。衡門之下可棲遲。日之夕矣牛羊下。去衛靈公遭桓司馬。東西南北之人也。長沮桀溺耦而耕。丘何為是栖栖者。歸去來兮。三辛弃疾。登山臨水送將歸。悲莫悲兮生別離。不用登臨怨落暉。管人非。惟有年年秋鴈飛。

憶王孫

秋江送別集古句

三辛弃疾

滿江紅

江行簡楊濟翁周顯先

三辛弃疾

過眼溪山。怪都是、舊時曾識。還記得、夢中行徧江南江北。佳處徑須攜杖去。能消幾兩平生屐。笑塵勞三十九年非。長為客。吳楚地。東南坼。英雄事。曹劉敵。被西風。吹盡無聲跡。樓觀甫成人已去。旌旗未卷頭先白。歎人生、哀樂轉相尋。今猶昔。

夏港僧舍

宋魏了翁

迅商呼不來。午汗如翻漿。道人空萬緣。邂逅贊公房。虛室千世界。圓滿一鉢囊。碧雲護兜率。白日耀晉光。蕭蕭蘆葦中。此清淨坊。鑑師從西來。一喝登慈航。唾手舉慧刃。斫斷煩惱韁。邀我供煮餅。心地陡清涼。官焙破蒼壁。桃笙漲寒江。從師問究竟。室西照殘陽。

重修朝宗門樓集句詩上王宰回

邑教授

余壹

茲城實佳麗。

温子昇

上與浮雲齊。

文選古詩

回望川之陰。

沈約

津塗

去不迷。

李白

一旦起樓高百尺。

韋應物

城高跨樓滿金碧。

杜朱

門峩峩臨九衢。

韋應物

一片彩霞迎曉日。

楊源

好奇賞俊實

難逢。

韓退之

看此寧避雨與風。

韓退之

仍誇縣尹風騷客。

王禹偁

與人一心成大功。

杜甫

應喜中原正無事。

杜光庭

出為蒼生作

仙吏。

釋皎然

大賢為政即多聞。

杜甫

不獨文章推國器。

王禹偁

驅轡嶢壓波瀾。

沈光

千古烟霞一望間。

孫何

江上晚來堪畫處。

鄭丹青畫出是君山。

李白

况乃烹鮮會嘉客。

李順

樓上重重歌

吹發。

張籍

豔歌一曲酒一杯。

白居易

華筵百戲呈初徹。

崔瑊

美人奪神仙。

顧况

輕身起舞紅燭前。

楊衡

須臾宴罷日將夕。

斷燼遺香鳧翠烟。

李賀

四座少年君聽取。

白居易

太平時節難

身遇。

杜甫

先生事業不可量。

韓退之

此中豈是久留處。

李白

美酒登高樓。

李白

高視乾坤又何愁。

杜甫

早晚北門下徵詔。

王禹

佩聲歸去鳳池頭。

王維

季子墓宮

劉子震

一上祠宮醉白雲。始知蠻觸浪紛紛。有吳何代無陵墓。萬

世唯知季子墳。

金書大帝為祠額。土塑胡姬舞柘枝。華表鶴歸應一笑。後

來禮樂遂如斯。

朝宗門

石祖文

樓閣崢嶸古壘門。日隨潮汐謹晨昏。莫川禹績滄海學。海雄詞識本源。演地衆流唯北拱。委蛇萬折肯西奔。時人有問朝宗義。落筆詩成不待言。

季子廟

石祖文

夫子南遊不到吳。殷勤題識寄嗟吁。干戈擾擾憐諸夏。季子流風過耳無。

隱公攝魯猶稱遜。重耳辭秦亦謂仁。勇決抽身非矯爲。延陵千古獨精神。

君山

石祖文

遠邇朝宗勢拱辰。名高豈特爲春申。孤峯雄阜無多地。一水僂凡隔幾塵。簪履三千誰念楚。山河不二漫誇秦。雲煙勝槩無今古。俯仰休悲迹已陳。

紹興庚辰之春。賜進士第于集英殿。四明樓鏐與錫山周君夢若。吳興周君祐。澄江何君武仲。呂君棐。耿君秉。及曹君集。機嶧。預焉。淳熙辛丑。鏐假守澄江。而吳興周君。分教軍頰。錫山周君。惠然過之。何君需次里社。遂載酒於君山之巔。以敘同年之好。前瞻大江。波濤千里。却顧平野。二麥如雲。春夏之交。風日殊美。時耿君以麾蓋鎮桐川。呂有憂制。皆致餽焉。三曹君恨卽世久矣。因書此於浮遠堂。志慨。

江陰縣志
解褐彤庭二十年。集英猶憶聽臚傳。半生遊宦知何謂。一
旦逢迎豈偶然。春入桃江供遠眺。秋歸麥壠動炊烟。百杯
聊試鯨吞量。鐘鼎功名更勉旃。

雙檜堂浣溪紗

宋樓鐸

夏半揚烏景最長。小池不斷藕花香。電影霆聲催雨急。十
分涼。蕊剝明珠隨意嚼。瓜開紅玉趁時嘗。雙檜堂深新
釀好。且傳觴。

浮遠堂

水調二附後

西來江水浮天遠。卧看飛鴻入杳冥。雲過有山皆點點。潮
迴無地忽青青。風光浩蕩連淮海。氣象高寒轉日星。形勢

不禁東望眼。敵山如黛涕先零。

先壠在敵山

水調

丘 宓

一葉下林表。秋色滿衡臯。江風吹雨初過。天宇一何高。蟻
屐遙來堂上。倚杖翛然長嘯。萬里看雲濤。逸興浩無際。安
得駕靈輶。嘆吾生。天地裏。一秋毫。江山如傳。古來閱幾
英豪。回首人今何在。舉目依然風景。此意屬吾曹。欲去重
惆悵。松徑冷蕭騷。

丘 宓

彩艦駕飛鷁。帆影漾江鄉。葩梅天氣。一聲橫玉喚新陽。驚
起沙汀鷗鷺。點破暮天寒碧。極目楚山長。一抹殘霞外。雲
斷水茫茫。遡清風。歌白雪。和滄浪。枕流亭館。昔年何處

半荒涼。我欲驂風遊戲。收拾烟波佳景。一一付詞真。聞說洞天好。何處水中央。鄂渚憶浮堂

君山浮遠堂

邑人王呈瑞字莘夫

萬室東南裏。炊烟落照黃。山腰圍楚濶。沙尾刺江長。好景終然遠。浮雲轉已亡。幾多如湛輩。今古一淒涼。

遊君山

宋杜旃

岳陽樓上見君山。又向澄江一破顏。浴海曦輪清可掬。礙天鵬翼倦知還。青齊近納重簷下。淮浙平分一葦間。彈指當時珠履客。幾多遺恨在函關。

水調

邑人吳博古

畫棟倚空濶。雪浪截天流。北連楚尾。南控吳味。勢兼收。雲夢遊吞八九。領畧皆歸几席。一望快人眸。登賞適中夏。致爽已先秋。個中景。何所似。似羅浮。江山幽勝。神物留待。史君謀。誰識汪洋萬頃。全似胸中佳趣。機靜不驚鷗。休詠滕王閣。莫賦仲宣樓。

浮遠堂

宋王寧

久去鄉關始一來。竹輿行樂亦佳哉。還尋童子釣遊處。又趁史君旌騎迴。風物於人隨意好。江山如畫得天開。向來紀勝歸名筆。喜為重鏡置石崖。

又

邑知軍方萬里

淮淝平分一水間。開林陡見八溟寬。江山曾識三千客。風月重歸十二欄。天迴不知身世窄。境清翻覺骨毛寒。楚帆切莫貪程急。潮水未平行路難。

念奴嬌

宋

蔡端誼

對江長嘯。洗曾襟。空洞了無凡物。匹馬人行。回望處。周轉孤松絕壁。天地浮漚。時光一瞬。世事風花雪。登高欲賦。恨無屈宋才傑。與盡海吸鯨吞。百盃渾不醉。眼花猶發。千里長淮。波浩蕩。閃閃白鷗明滅。浪靜風平。清光如鏡。淨可覘眉髮。謫仙何在。依然今夜明月。

漾花池

知軍

徐葺 字子禮

咽咽聲殘吐水龍。玉爐烟斷寶樽空。窓前盡日無人到。只有荷花滿意紅。

遊白龍山

邑人

蔣靜

駐馬白龍潭。拂石青松下。雲從潭底生。風向松枝灑。風雲了無心。聊隨白龍化。勿謂雲風擾。中含閒暇者。

假寓翠光亭

蔣靜

君山堆翠出危尖。練水浮光照短簷。夜鶴曉猿同冷淡。胡牀麈尾獨安恬。雲來畫棟休遮眼。月到澄潭任透簾。還似棄官陶靖節。北窻高卧怕誰嫌。

登兜率寺塔

蔣靜

擾擾人間世。稀逢物外遊。獨將無盡意。一瞬白雲頭。

題毘山

蔣靜

四十年前掉臂遊。寺庭荒落易悲秋。重來氣象渾非昔。滿院松杉翠欲流。方外故人惟白骨。壁間陳跡獨銀鈎。青春祇道堪行樂。獨倚僧窓萬斛愁。

洗心亭睡起偶題

蔣靜

黃梁未熟酒猶釀。一夢南柯事已空。水綠山青無限好。今來古往不知窮。龍吟竹笛秋江面。雪糝蘆花夜月中。清景阿誰偏占得。白頭波上釣魚翁。

自京泛舟往江陰

宋張公庠

漂泊扁舟上。西歸尚未能。江湖思故國。風雨對寒燈。命矣安窮達。時哉任愛憎。客愁無計遣。擁褐夢騰騰。

舟行江陰道中

宋張彥實

兩後侵篙一尺渾。敗蒲衰柳亂填門。夢聞斷角送餘響。起看新潮到舊痕。處處魚鹽成市井。家家簪笏長兒孫。更傳下詔寬民力。斗米三錢何足論。

送八行吳君

名範

宋蔣靖

宋朝八行許誰參。今日賓興衆所甘。佳士果然空冀北。盛時無復滯周南。離亭揖客風吹袂。去棹燃犀月在潭。孰謂九重尊有德。芝眉格盡世間貪。

和虎跑泉

邑司劉渥

靈源來處莫尋根。猛虎遺蹤僅可分。玉乳何年纔始見。金沙疇昔漫曾聞。玉乳金沙皆泉名寒光暗潤巖邊竹。曉氣多生石上雲。坐局分宜幽賞隔。同遊欣得被移文。

和

邑司丁佐

山足纏綿萬木根。甘泉中列虎蹤分。自緣勝地人難到。獨使靈源世未聞。逸客晝窺清據石。笠僧晨挹冷披雲。發揚玉液因佳句。何必前賢論水文。

和

邑主馬琬

逶迤淺嶺抱峯根。泉跡何年向此分。圓竇環環明可鑑。亂渠瑟瑟細猶聞。銅瓶夜汲翻寒月。石鉢朝烹帶曉雲。賢守已為真賞地。山經雖闕有斯文。

和

宋邵光

泠泠一溜俯江根。天外銀潢派暗分。味潔獨期真賞到。聲清纔入幾人聞。澄秋色淨偏宜月。潤物功深不待雲。鴻漸有靈應自愧。賢侯佳句詆遺文。公詩有圖經失記茶譜無聞之句

和

宋沈兌

何年瓊液綻深根。一脉初從虎跡分。潤石影隨寒日轉。落渠聲逐曉風聞。甘資北苑浮甌茗。冷浸南軒度嶺雲。太守佳篇褒賞重。人間誰貴又新文。

和

宋夏臻

涓涓源竇滴林根。甘液經年世味分。珍寶忽逢千騎發。佳名從此四方聞。新篇追琢垂岩壁。舊跡輝光振洞雲。何日邀朋尋勝槩。茶烹自飲共論文。

雪窓

宋張孝伯

先生元是山中客。僅能楊雄一區宅。窮冬十日不出門。群玉峯前看三白。誰將名字落人間。丹陛入對天開顏。江城作牧多暇日。猶有餘力窮躋攀。膏肓不除泉石念。勝處何如眼中見。四時風月豈無情。要是歲寒心不變。晴簷初晃雲母光。庭中已休鴈鴛行。玲瓏元不礙達觀。下視萬物俱清涼。

題耿氏溫清堂

凡名軫第名角

宋上官均

遠山終日自清輝。縹緲喬林野氣微。秋菊已開陶令徑。春風好舞老萊衣。溪頭釣艇資閒興。松下歸禽伴息機。吟倚醉登堪自慰。不須悵望白雲飛。

宋滿中行

密牖疎櫺次第施。却寒清暑兩相宜。惟知堂上雙親樂。不覺人間四序移。美酒先春和氣滿。茂林亭午綠陰垂。閒居就養如君少。無負南陔孝子詩。

渡江

宋葉縣人陳與義字去非

江南非不好。楚客自生哀。搖櫂天平渡。迎人樹欲來。雨餘

吳岫立。日炤海門開。雖異中原險。方隅亦壯哉。

定山寺

邑人葛勝仲

入門松桂拂天長。遣化誰來自衆香。初剪蕨薇豐菜把。半
殘桃杏露花房。不辭峻極欲游登踐。免使幽尋墮渺茫。此山

中輟者

聞有山人宅巖頂。試從度世覓神方。

虎跑泉

葛勝仲

於菟挾乙舊傳聞。清溜因跑出嶺雲。玉甃下流聲帶雨。銀
牀輕護氣含雲。酌烹北苑滋茶味。飲助中山破酒醺。從此
清漪觀水面。微風不愛舞綃紋。

觀山謁蔣叔明

靜

趙鄰叔

汝翼

二墳

宋

葛勝仲

寒食觀山道。佳城隔壠分。趙公今不武。蔣老去修文。歌薤
猶前日。栽松已插雲。生平各投分。絮酒薦蒿焄。

道成墩

葛勝仲

脩脩一羽翁。奇骨兩目方。乃以貧自樂。餐霞辟穀腸。混世
人莫識。結茅居僻荒。一墩僅十畝。培塿萃彼疆。惠峯作南
屏。秦望橫北墻。隱此不記年。悟仙號青暘。翩然仙道成。陟
墩神遠翔。指墩名道成。人以許仙揚。豈無緱山人。吹笙雲
錦裳。令威去千年。歸來賦歌章。青暘得仙去。千古傳此鄉。

訛而為柳。距吳魯路。渺茫柳為橫。行盜安肯城。此旁不知
何愚人。魚魯昧審詳。至今傳名誤。使志乘其將。吾為正斯

繆百世流餘芳。

乾明院讓道人房與朱仲潛探梅

宋

呂天策

春工未付開桃李。偏向梅花先着意。鉛華不御見真色。香
密染衣冰琢藥。舊遊頗念秦郎中。夢裏五年如歷指。叫呼
連索酒澆春。尚想橫瓶枕花底。今年梅侶更何人。我狂罵
坐初不嗔。風流端的笑無度。攜手錯疑君姓秦。往來百匝
將重趼。鳥道縈盤封碧蘚。團枝凍蘂未全蘇。已見橫斜照
清淺。曉來霽色釀春風。金鬚漸吐香蒙茸。開遲正恐有遺
恨。未破君家宮錦紅。

宿昆山贈勤道人

呂天策

昆山去城三十里。自有此山名在耳。寃哉自是境中人。老
莫未能嘗屐齒。今朝作意揮馬策。借問征夫踏龍尾。崖深
翠濕松桂潤。寺老歲荒臺殿圯。華鯨剝啄夜闌吼。鐵鳳翻
翔天半起。登臨敢訴足生胝。逋負頓償心似洗。可憐此老
慣迎客。不問何人即生喜。寶薰襲襲透花縵。霜月斜斜界
窓紙。它年它處應相憶。此會此生能有幾。欲識清涼掃地
人。記取玉溪人姓李。

九日游君山

呂天策

路分支徑入蘆花。繚繞江身覓酒家。晚日樓臺金突兀。映
山鷗鷺玉橫斜。解衣狗竇呼光逸。落帽龍山想孟嘉。欲赴

老漁風一葉。直窮天漢問。幾
修

洗心堂

宋曹全詡

清光秀發水雲鄉。不見騷人意未降。風壓柳梢低酒舍。月
移松影上僧窓。山泉漲起潮三尺。野老釣歸魚一雙。更待
練光斜襯日。坐看金斗熨秋江。

松風亭

宋曹全詡

亭前山影漾江流。亭外雲霞礙舉頭。俯石下聽松上籟。隔
鄉遙認水邊舟。四簷寒送沙汀雨。一徑煙籠寺竹秋。此曲
此聲應未變。抱琴期與故人游。

白龍寺祈雨

邑人徐綱字子

萬木梢頭見塔尖。道人於此卜幽潛。深林六月風敲竹。古
寺三更月入龕。天旱蛟龍藏窟宅。水枯魚鱉露鬚鬚。我來
赤日祈甘雨。卧聽蕭蕭瀉屋簷。

定山虎跑泉

宋錢嵗

虎攫靈泉發地根。傳疑傳信事難分。深涵月影千尋透。溜
作溪聲一帶聞。流迸石渠珠作露。溟濛竹徑氣如雲。公餘
共酌醜醜味。應想於菟乳子文。

朝中措

閻丘次杲

橫江一抹是平沙。沙上幾千家。到得人家盡處。依然水接
天涯。危欄送目。翩翩去鷁。點點歸鴉。漁唱不知何處。多

應只在蘆花。

君山

宋張翥

幾許歸心動故林。江山勝處且登臨。更無纖翳碍空曠。時有孤帆破淨深。酒富可供開口笑。詩豪肯使掉頭吟。飽將風物羅宵次。呵護平時耿耿心。

浮遠堂

宋錢厚

重來弔古倦登臨。風挾驚濤動壯心。暮靄不知天遠近。閒雲休礙月升沉。自分南北同天壤。誰似江淮識古今。亦有孤山中屹立。可能終始少知音。

山亭

宋錢厚

人踏君山路。來驅陌上塵。江仍舊時面。我是去年人。愛聽松聲古。休催柳色新。片雲銜落日。梅與月爭春。

梅亭

元係梅林

錢厚

東風吹雨雨吹花。洗却陰沉放月華。俗眼總嫌梅太白。嬌娥勾引鬢雲遮。雲濃更欲催詩句。風急花飛留不住。使君喚客早尋章。越渠未點蒼苔路。吹薌華榜扁佳名。說與梅花不肯聽。何人最識吹薌意。風在林端月在庭。夜闌留月春酌。生怕樓頭吹畫角。更推銀蠟上寒梢。冷豔燒春春未覺。燭光炯炯花冥冥。花前醉倒喚不醒。南枝自與北枝語。今夜詩工眼倍青。

別葛德裕主簿

安福人 王庭珪 字民瞻

官冷身閒簿領稀。時從物外赴襟期。憑君少緩青絲鞵。爲我聊傾碧玉卮。野寺石泉秋煮茗。松窓雪屋夜論詩。懸知別後東風近。先寄寒梅第一枝。

謝紹興帥丘宗卿惠楊梅

越邑諸楊盛一時。與儂瓜葛不曾知。一夫自笑吾衰矣。此客何從夢見之。也解過江尋德祖。政緣作尹是丘遲。渠伊不是前村派。未免先驅事荔枝。

送丘宗卿帥蜀

人似隆中漢卧龍。翻如江左晉諸公。四川全國牙旗底。萬

里長江羽扇中。玉壘頓清開宿霧。雪山增重起秋風。近來

廊廟多西帥。出相誰言只在東。

雨後江上有懷

落日滿寒雨。長江收夕霏。定知聊復別。敢望不相違。楚鳥

晴相喚。殘雲晚自飛。殷勤兩山口。好爲放晴暉。

郭璞墓

先生精數學。卜穴未應疎。因捋虎鬚死。還尋魚腹居。如何

師鬼谷。却去友靈胥。此理憑誰說。人方寶葬書。

定山虎跑泉

靈泉自古晦山根。猛虎初跑一派分。冷逼客衣威若在。聲

和林籟嘯如聞。潤通石脉甘凝乳。輕發茶腴色泛雲。誰謂陸生真博物。獨遺幽僻載無文。

和

宋楊士彥

竹園松蔽鎖霜根。爪跡依然跂石分。謝靈運有跂石不載

圖經嗟失記。未參茶譜悵無聞。茶譜唐劉伯蜀較水之與茶宜者凡七等陸鴻漸第

水凡二。冷穿谷口洵林月。清漱巖腰濯嶺雲。若把惠山方

美味。泉味甘美持異昔賢精鑒是虛文。宋戴本昂字景明

從板橋買舟上青陽

卸馬板橋西。扁舟逆上溪。水鏤岩骨斷。烟截樹頭齊。野鴨

驚人起。村雞上樹啼。老農頭雪白。猶自把鉏犁。

題君山洗心堂宋僧仲殊

潮隨初日上。煙沙極望淮南不見涯。今日江東寒食節。秦

隄桃李自開花。

題莫城廟宋鄭夷亮

晚唐藩鎮盛咸通。世襲江南割劇雄。僭偽削平真主出。車

書混一普天同。想憑霸氣偷安日。坐恃邊臣捍禦功。荒草

莫城遺廟在。插雲喬木戰秋風。

題黃山高氏東菴宋李一易

來赴東菴約。從容結勝遊。停驂望空澗。載酒轉深幽。隱吏

逢梅福。詩僧得惠休。山應笑吾黨。不為白雲留。

水調歌頭

浮遠堂作

宋 仲 弁

靜練平千頃。華棟俯中流。凌晨畫戟來看。宿雨斷虹收。八
九宵中雲夢。三千筆端風月。無處快凝眸。笑詠一堂上。揮
塵氣橫秋。俯危欄。紅日下。暮雲收。無窮偉觀。祇應天意
為君謀。容我時醒時醉。獨泛微烟微雨。浩蕩逐輕鷗。不羨
岳陽丹碧聳層樓。

念奴嬌

仲 弁

練江風靜。卧冰奩。百尺朱欄飛入。江遠浮天。天在水。水滿
半天雲濕。白鳥明邊。青山斷處。眼冷江頭立。月明潮上。葦
間漁唱聲急。幾度吹老蘋花。野香無數。欲寄應難及。天
借詩人供醉眼。尊俎一時收拾。竹裏行廚。花間步障。風雨
生呼吸。酒闌歌罷。釣船先具。簑笠。

寄題君山亭送呂天衢秀才

宋 蔡 肇

百川赴下流。江海互吞吐。回瀾薄空日。老岸不立土。坡陀
出巨石。鼇背啓窓戶。我來俯凝碧。萬頃過微雨。南沙八十
里。草木盡可數。風聲玄冥開。松影翠蛟舞。昏昏魚龍氣。曠
色失洲渚。林間古蘭若。梵韻雜鳴櫓。不能掛長帆。破浪極
幽覩。至今清夜夢。窈窕越修阻。喜君自茲來。浩浩見眉宇。

信置古城東。澹飯忘羈旅。連城雖自珍。歷塊誰為許。束書
問東舟。了不掛一語。脫身少年場。清座參佛祖。冰顏未生

髭老氣欲冠古。所得豈虛名。自是慰諸呂。南天正炎溽。歸思亟飛羽。江魚已釣肥。江酒尚酤煮。訪予昔遊地。耿耿月盈浦。席罷望東南。浮雲渺吳楚。

送江陰呂彥行

蔡肇

君家東南田甫田。一畝種粟輸千錢。邇來旱熯憂無歲。坐此失計長江邊。下田鳧鴈若煙海。高田蒼黃塊磊磊。飽把犁耨向屋眠。浩歌不憂顧田在。歸來買鐵利耨耰。有如不種無復收。它年滯穗萬夫飽。曾笑宴旣祝滿篝。

客懷三首

邑司李燾

久客墮塵土。幽居懷翠微。只餘清夜夢。長作故山歸。三徑松應長。十圍晨鐘忽。驚覺猶有露沾衣。

寂寞三秋節。淒涼萬里風。關河盡形勝。人物幾英雄。秦葉隨流水。周禾滿故宮。此心懸魏闕。夢遶浙西東。

長憶在家好。已知從仕難。紛紛猶嚇鼠。悄悄政栖鸞。忘意躡高位。敢言卑小官。世途真甚隘。懷抱要須寬。

苦雨

宋邑教授尤袞字延

十年江國水如滌。怕見三秋雨作霖。可念農家妨卒歲。須煩風伯蕩層陰。禾頭昨夜憂生耳。木德何時却守心。兀坐書窗詩作祟。寒蟲嗚咽伴愁吟。

江濱曉步

宋天台人戴復古字式

津頭曉步落潮痕。行盡蒲根到柳根。雁影參差半江月。雞聲呶啞數家村。求魚看下連筒釣。乞火聽敲隔舍門。料得錦城無此景。欲將圖畫寄王孫。

江村晚眺

江頭落日照平沙。潮退漁舸閣斤斜。白鳥一雙臨水立。見人驚起入蘆花。

江舟

宋淮陰人張昞字文潛

孤舟夜行秋水廣。秋風滿帆不搖漿。荒田寂寂無人聲。三尺跳魚翻水響。河邊守罾茅作屋。罾頭月明人夜宿。船中客覺天未明。誰家鞭牛登隴聲。

舟入江陰集句

宋林震

疎疎蘆葦舊江天。鄭谷何處風光最可憐。白居易一帶樓臺擊

曉月。夏竦萬株楊柳拂晴煙。鄭文寶身閒暫覺塵埃遠。李道

寧憂雨露偏。許渾三頃湖田秋更熟。許渾濁醪麩飯任吾年。杜甫

眠澇

宋陳剛中

暨陽古澤中。今歲仍大水。舟行民田中。一浪四十里。農夫相對泣。父子飢欲死。酷吏亦何心。誅求殊未已。豈緊竭膏血。直欲剝膚髓。哀此無告民。有生皆赤子。夫災自流行。助

虐亦何理。我愧才術疎。陸陸佐小壘。熟視不能救。有淚空自灑。皇心念下民。惻怛形詔旨。丁寧既諄復。象魏幾黃紙。

要須盡蠲除。仰稱德意矣。人微言或棄。歸休從此始。

遊君山

宋魏寶先

海角天高月滿山。新亭清淚灑爛斑。春風吹斷興亡夢。潮落潮生小石灣。

送丘宗卿博士出守嘉禾

呂祖謙

字伯恭

按丘氏家乘。止載後四句。今攷東萊集。采全篇入。

橋李國西門。道里去天咫。訟庭人摩肩。客館舟銜尾。涼燠變須臾。風俗殊駭視。心平理自見。周道本如砥。堂下萬休戚。堂上一笑嘖。是心苟不存。對面越與秦。豚魚尚可孚。況此能言民。君看津頭柳。葉葉皆相親。奮髯疾抵几。解衣徐探雛。古來多快士。氣吞兩輪朱。簿書高沒人。迎筆風摧枯。自許豈不豪。歲晏終何如。

渡江

李

綱字

桂柁蘭旌楚澤東。碧空如水水如空。江湖落日浮秋橘。島嶼殘霞拂斷虹。世事茫然煙靄裏。客愁都在鷓鴣聲。沙頭見雁相儔侶。笑我頻年逐轉蓬。

季子廟

宋曹確

人間不記吳王事。江上今存季子宮。壞壁亂飄青蘚雨。破簷時蕩白榆風。衣冠何處埋春草。雞酒長年任野翁。下馬一看思舊德。浮名應與暮雲空。

白龍寺

宋 靳更生

不怯山寒風力尖。要登絕頂看龍潛。羣飛傑閣雲穿棟。靜鎮禪關月滿簾。踏破松蘿容極目。嘯驚岩壑快軒髯。我來嘿印無邊義。寄與孤鈴語夜簷。

善利泉

宋 吳漢英

幾年泉眼翳柴荆。鑿石疏通鏡面清。縱使崖枯常不竭。從教雨集弗加盈。支分沃壤霑餘潤。小憩行人解渴醒。到處有山惟欠水。何如水秀更山明。

次韻葛魯卿送示近作

宋 吳 沈與求 字必興人 光

八驪畫屏如縈策。微步招尋老賓客。離離草色亂溝塍。脚底春風隨蠟屐。蟄龍昨夜起洄潭。忽雷閃電飛千巖。朝來遺珠落懷袖。復見國風歌二南。公洗膏肓砭傳癖。詞伯儒宗早揚歷。詩成聊復貯錦囊。副在久應藏石室。只今漂泊客煌村。高吟七字哀王孫。有如此言公不食。東山那得留安石。

君侯曾次多籌策。歲晚翻為江海客。小隱方營一把茆。幽尋定費幾兩屐。公心落月印寒潭。出濟巨川歸築巖。追還正始遊戲事。聊為風騷作指南。我抱幽憂如酒癖。起誦君詩春寂歷。天公卜取氣凌雲。神物護持光滿室。老矣懷歸葑上村。倚公佳句譜桐孫。須公拯危紓肝食。快寫車攻刊

江陰縣志卷之七
藥石。集君山公少頃京兆雲。縣志載其詩。邑人吳等。

集君山公少頃京兆雲。縣志載其詩。邑人吳等。

生平豪氣老難降。南北中分嘆此江。多病能消山屐幾。清
游幸尾使旌雙。天連遠水碧千里。雲護夕陽紅半窓。纒
主人留客意。船頭昏鼓又逢逢。

季子廟

邑知軍 史雋之

千載江濱季子宮。聯鑣欵謁驟西風。清名長逐秋潮壯。遺
跡應隨夕照空。管領物華輸酒聖。平章古意屬詩翁。想君
岸幘風塵表。笑我理頭鴈鴛中。

望海潮

史雋之

危岑孤秀。飛軒爽豁。空江泱泱黃流。吳札古丘。春申故國。
西風吹換清秋浪。海浪初收。共登高臨眺。尊俎綢繆。鳳集
高岡。駒留空谷。接英游。八牕挂起瓊鈎。送颿檣杳杳。潮
汐悠悠。今古曠懷。闕河極目。愁邊滅沒。輕鷗。淮岸隔重洲。
認澹霞天永。一縷青浮。未許英雄老去。西北是神州。

江郊

宋軒江人 曾鞏 字子固

葛葉催畊二月時。斜橋曲岸馬行遲。家家賣酒清明近。紅
日花開一兩枝。

謁金門

無名氏

紅日落。湧起江邊高閣。洪浪飛花風又惡。小舟沙尾泊。

物色于人何薄竹裏人家依約一段詩愁無處着青山連雨脚。

過楊子江心

大海中一條自楊子江直上淡水者是此乃長江盡處橫約百二十里吾舟乘風

過之一時即鹹水

宋吉文天祥字瑞

渺渺乘風出海門一行淡水帶潮渾長江盡處還如此何

日岷山看發源

蔡涇開

元邑丘元鎮字士

客行涇口上危橋北望城闌十里遙港汊不容三尺水舟

全藉兩番潮蠶苗半起桑迷眼雉子深藏麥到腰暮宿

前村楊柳渡買魚沽酒慰蕭條

嘗州

元天陳孚字剛

毘陵城西漁火紅家家夜香燒碧空荻花離離季子塚楓

葉索索春申宮雞聲人語三十里大船小船浪相倚鷓鴣

一雙飛上天人在舵樓弄秋水

踏車謠

元邑張庸

高田水低田水田田積水車不起去年因水民薄收今年

又水朝廷憂岸圩自是農夫事工程賴有官催修東家

婦西家婦喚郎去斲荒坵土車溝昨日裏外平斷塍緊待

新泥補踏車正忙兒又啼抱兒踏車力不齊車踏不齊車

換軸軸轉橫牙婦傷足婦忘怨嗟撫兒哭水深未易乾怕

郎受笞辱願天晴祛雨陰。入夏無苦旱。至秋無苦霖。上寬天子憂民心。吾農飽煖長謳吟。

江口晚發
張庸

四月南風紫楝花。一江春水白鷗沙。老儂只住雙涇口。船

趁回潮早到家。

蓉城曉烟

邑俞遠字之

落月昏昏城樹白。山烟一帶接閭居。天高樓鼓晴先覺。江近篝香潤不除。刀丰營前看洗馬。轆轤井上聚穿魚。蓬萊有約蒲帆重。欲問麻姑借羽車。

巫門夜雨

俞遠

巫子門前沙擁坡。泊舟黑夜雨滂沱。龍呼匣劍辭人去。鳥作飛車送鬼過。剪燭頻昏鈔細字。看天未旦起狂歌。玉關何處頭如雪。明月長竿還掛蓑。

海門賓日

俞遠

天在海門東復東。星移河落日曛曛。三聲雞唱齊州白。五色鸞翔弱水紅。舟楫盡登揚子岸。衣冠應滿太空宮。寸心老我傾葵藿。扣缶狂歌兩鬢蓬。

孤山釣月

俞遠

大江冰石是孤山。山下漁人戴鶻冠。花發廣陵忘換柁。水吞雲夢好持竿。珠光電轉龍堂晝。玉屑空飛兔日寒。一曲

江陰縣志
卷七
詩
修
十二
平
菱歌歌遽止。馮夷按節鼓狂瀾。畫王風控練。夜月來一曲。

石灣春霽

春月少晴晴即風。石灣今日好春融。已憐夜水添梧綠。更有雜花開樹紅。錦帳移厨人簇簇。銀鞍並妓馬瓏瓏。擊壺錯按伊州弄。句落鷗波浩蕩中。崇禎十三年春三月廿五日

揚子秋濤

大江日日潮流地。八月飛濤天半來。高蹴一門危立海。散馳千道殷崩雷。鳥驚斷磧都相失。鯨掛橫山不及回。寄語北來能賦客。江南奇觀遲登臺。崇禎十三年春三月廿五日

沙嶼晚渡

吳山望斷楚山蒼。江北江南一葦航。野屋半開人慘澹。征車相次馬玄黃。羽竿風急回鳴鵝。魚笱燈微隔樹桑。指顧揚州莫惆悵。燕姬樓上勸飛觴。

淮甸晴眺

廣陵南盡是長川。山隔川流不隔烟。一騎看花來闕下。千帆轉粟上天邊。漚波雁磧菑蕘合。豚穽雞埒井絡懸。我住孤城愁偏久。定來釣弋過殘年。

遊小石灣

前年遊小石。小石之下江悠悠。今年遊小石。江水只似前年流。江流日夜流不息。石根水齧成沙礫。主家銀瓶三尺

高長向江邊宴賓客。江邊雲木藏華構。主人不歸春鎖畫
 開門掃地惜鋪筵。舞影出闌驚雉雉。一春天氣今日佳。城
 中千人萬人來。步障飄紅香散霧。撲面不去飛塵埃。移樽
 更就江流飲。酒光五色沙如錦。懸崖欲落未落處。挽客更
 坐毛髮凜。青天龍掛東海門。颶風忽來天晝昏。白波如山
 潑山鼻。坐恐此地為江吞。金支翠旗光閃灑。冉冉靈胥騎
 白馬。我欲招之招不來。大鯨噓紅射盞竿。此景向來良不
 俛。丈夫跌絕婦女愁。手中橫竹孤鳳叫。日脚迸落靡蕪洲。
 眼空高興不可遏。割肉大災湯沃雪。風休月出浪復止。小
 娃強歌聲不悅。我言小石天下無。衆客相顧皆胡盧。說東
 維談西湖。我請謝客客莫誣。西湖白鶴去不返。東維看花
 生已晚。

清隱軒

俞遠

請罷黃庭內景篇。道人風度亦翩翩。山中呼酒喚明月。天
 上賜衣生紫煙。啼過官鶯春幾度。飛歸遼鶴世千年。向來
 書榜詞林客。可怪逢仙不學仙。

江行

元閩嚴羽字儀卿

暝色蒹葭外。蒼茫旅眺情。殘雲和雁斷。新月帶潮生。天到
 水中盡。舟隨樹杪行。離家今幾宿。厭聽棹歌聲。

丹樓

邑人陸文圭字子方

丹樓獨倚對青山。歷歷西風十二鬟。曉氣淨連江樹碧。秋雲低護石苔斑。仙人長嘯聞天外。道士空謠帶雨閒。安得置身蕭爽地。捲簾時待鶴飛還。

題澄江權歌

元 郝仲義

半山昔拜少陵像。謂公詩與元氣侔。後五百歲無繼者。元氣茫茫散不收。我朝詩派因中州。氣節首推劉靜修。宋季陋習茲一灑。天運亦復詩家流。楊趙馬范虞揭歐。金華莆田誰與儔。亂來風雅久衰落。喜向澄江聞權謳。澄江席冒同羊裘。風塵之表從天遊。每和君山老父笛。不換華頂仙人舟。有時擊節驚陽侯。百怪莫敢窺十洲。鯨波可蹈惜沉

劍。鼇嶠欲蹋思連鈎。澄江浪高江月浮。江神迎權風颺。雲機上割天孫錦。底用枯槎橫斗牛。放歌濯足銀河秋。泗水不爲澄江留。誰道澄江淨如練。我視澄江直一漚。此日相遭東海頭。東海纖塵生我眸。醉擊珊瑚碎蓬礫。笑委蛟珠輕博骰。俗淫世靡吾所羞。孤鳳默默羣鳥啾。夏舫一扣海能小。祖楫載誓天何尤。澄江權歌歌未休。凝碧管弦非所憂。君詩匪予得稱好。贈言請視今汪周。

琴月堂

元 莫士安

花裏琴堂清晝長。桐絲憂指鳴秋商。心澄慮淨公事簡。拂絃轉調頻更張。蓮花滴水泛壺箭。刻漏遲遲坐忘倦。冰輪

碾月上天東。金粟吹香滿深院。美人手勢高復低。絃聲彈
作鳥夜啼。須臾流響換音節。丹鳳肯逐孤鸞棲。湘波畫簾
玉鈎小。卷舒不隔光皎皎。兔擣玄霜雲動搖。蟾浴銀河影
顛倒。夜涼零露沾裳衣。自憐曲終知者稀。武城絃歌世應
少。單父政治疇能希。於戲武城單父兩奇絕。莫惜對此江
陰堂上月。

次韻江關別友

元吳興人趙孟頫字子昂

吳越相望三十季。相逢意氣共翩翩。長歌白石徒爲爾。遠
訪丹砂亦偶然。海氣昏昏雲拂地。江風颯颯雨連天。他時
別後相思處。欲問山陰雪後船。

江上聞鶯

趙孟頫

暑氣曉來清。時時聞遠鶯。還思故園路。松下綠苔生。

送崑山顧阿瑛避地泗川管伯齡家人

陸麒字元祥

南北兵戈猶未息。東吳甲第俱蕭瑟。辟疆園中書畫船。玉

躑金題映湘帙。波光搖座碧縈迴。山色入簾青翠隸。毘陵

先生江上來。文彩風流飽經術。自言喪亂離故園。浮家湖

海居無室。只今又向江東住。告別匆匆情愈密。主人展席

臨清流。賓客文章皆俊逸。分題行酒歌驪駒。共看驚座揮

椽筆。相逢我亦淪落人。此別天涯更慘慄。大江水落西風

高。布帆東飛如鳥疾。何時同作還鄉人。鼓腹謳歌太平日。

暨陽湖

分題送李仲嘗
江陰知事三首

元金華人
號鹿皮子陳樵

字君采

白浪浮天雪作堆。羞將俗客洗塵埃。月從水底沉鈎去。船似鷗邊泛葉來。野屋有籬編白荻。漁磯無席藉蒼苔。功曹吟苦多詩渴。擬借平湖作酒杯。

釣臺

陳樵

憶昔玄璜上釣鈎。鷹揚曾起佐姬周。臺高人在空中立。雲靜天從水面浮。石裂猶疑千古雪。風吹不斷一絲秋。政成蓮幙多清暇。他日停驂此地遊。

翠光亭

陳樵

亭前練水細如縈。亭上君山玉作屏。林斷才通吳月白。雁

悟空寺

繆鑑

不到招提二十霜。眼明還識魯靈光。雲餐已供伊蒲塞。風鐸猶傳替戾岡。新寺金湯龍化遠。舊家王謝燕飛忙。行人指點簪地。十里春風土尚香。

錦樹行

邑人許

恕字如

憶昔家住蓉城東。周遭烏柏雜青楓。一春門巷綠陰雨。六月林塘清晝風。時當收藏未黃落。景因壯觀還青紅。織成誰似天孫巧。染出豈非青女工。十年無家寄吳市。一日艤棹來穹窿。人家隱見流水遶。樹林絢爛孤村通。赤城丹霞映絕巘。西山落日迴蒼穹。雜花秋明步障外。歸鴉暮落天

工會系志

卷七

詩

五五 崇禎十三年

機中。停車高咏憶杜牧。入寺學書懷鄭公。題詩曾流御溝
水。剪綵何煩西苑宮。人生漸老歸未得。秋色雖好將成空。
何當喚起趙松雪。寫我秋林倚瘦筇。

小石灣

許恕

晴沙展芳席。春山駐遊騎。飛雲度鳥背。驚濤觸鷗鼻。遠觀
山水佳。近愛花木麗。風塵一失所。行樂猶夢寐。

書徐氏壁

許恕

卧聽今雨舊雨。坐看前山後山。不許時來俗駕柴門。雖設
嘗關。

長亭柳

許恕

長亭柳。長亭春色濃如酒。柔條細葉亂風烟。年年盡屬離
人手。汴水河堤空復春。朝元宮闕已成塵。何似長亭綰離
別。嘗送東西南北人。我家揚子江頭住。憶捲簾看飛絮。
幾時折贈北郭生。歸卧君山最佳處。

邊塘樹

許恕

邊塘樹。從來生在邊塘路。千船萬船百尺牽。潮去潮來幾
朝暮。樹身截如刀鋸痕。半身刻鏤半身存。生成亦蒙雨露
澤。枝葉叢茂煩深根。可憐托身不得地。銷盡凌雲浩然氣。
深林自有棟梁材。廢質宜爲人所棄。

告天子

許恕

告天子。爾何微。麥秀風暄。高下飛。餘音嫋嫋入雲去。飛向
天闈如有訴。天闈蕩蕩虛且高。言之諄諄徒爾勞。多少臺
臣如柱石。緘口全身良可惜。

禮敬寺

許恕

攀崖度峭壁。綠澗入幽徑。山堂絕弘敞。金碧相輝映。石泉
釀香雪。松風翳清磬。煩慮庶可禔。聊復此游泳。

次楊鐵崖題朱氏玉井香亭韻。有和章者張宗魯張

應辰周盧二公

許恕

玉井湛秋月。光陰清肺腑。羣姝擁飛蓋。列坐水仙府。晚色
淡蒼烟。遠香度風渚。水木更清華。疎桐連弱櫂。濟濟集羣

彥。良會喜今雨。鐵崖文章伯。筆陣誰敢拒。天生高世姿。不
作庸人語。兩張多藻思。珠玉映月露。醉吟采蓮詞。似對若
耶女。濂溪愛蓮說。絕勝著花譜。盧敖有仙氣。欲向風中舉。
嗟予復効顰。笑倒詩中虎。

蕭寺早行

許恕

張家宅前蕭寺橋。侵晨發船江霧消。村雞三唱屋角樹。柔
櫓數聲沙際潮。此時飛上海底日。錦雲滿江光蕩搖。水聲
泠泠遶灘轉。霜氣烈烈隨風飄。人生各各有所役。豈水有
漁山有樵。干戈正集沙塞戰。環珮已退天門朝。嗟予久作
江海客。往來自歎鄉關遙。石田茅屋倘可遂。白日醉眠吹
工會系志 卷七 詩 季七 崇禎十三年

江陰縣志

卷七

詩

故國

許

怨

故國

水郭春雷後。能無故國思。河鮪羹玉乳。江鱖鱠銀絲。開市燒燈夜。晴郊立馬時。歸心懸旦暮。已辨艸堂貲。

求稻種

百年多難寄殊方。江艸江花滿意芳。避地不知茅屋小。到家應念石田荒。東吳秋後思尊切。南國春來浸種忙。野老倘分紅稻粒。黃雲應遶杜陵庄。

癸丑春正月二十八日再過鼓山雙林庵清上人留宿山房燒香啜茗剪燭清話同榻者江原魯也

方丈高寒氣杳冥。禪心閒對晚山青。一燈風動雙林靜。虎伏空巖夜聽經。

題烈女廟

鳳山長

元王逢

遺廟湖西四百年。斑斑江竹映嬋娟。魚龍水落菰蒲外。雞犬村成槩栢邊。不待清名垂女史。尚存貞魄降神弦。君王社稷今焉在。伏臘粢盛自儼然。帷箔夜涼臨月榻。珮環晨響起雲輶。湘靈鼓瑟虞風盛。蔡琰聞笳漢鼎遷。嗟彼生還歸故國。何如死節報皇天。明妝靚服黃塵裏。重為傷時涕泗漣。

醉贈相子先

王逢

工部系志

卷七

詩

崇禎十三年

老生不能臣諸侯。却來題名鳳山頭。霜晴木脫壁峭立。鴉兒大字淋漓秋。于時陳肅邵維翰隱余薛。遙睇中原心耳

熱。二人既仕李河南。鴈斷鶻啼榮夢歇。邇承奕相遊茲山。

三復舊記松蘿間。野僧有待碧紗護。畫圖已自傳人寰。君

本家西河鍾秀西湖曲。龍城倚高寒。鴈蕩濯深淥。華亭道

阻汎雪舩。乘鯁鱸買梅花前。青衣童保進斗酒。解后意氣

凌吳天。好將金城圖畧上天子。回首共訪巴園仙。

題朱暈遠鳳山丹房圖相于先所畫王逢

子先中國士。棋罷畫雲閒。黑幹蜿蜒水。青分鸞鷲山。客捫蘿葛入。童採木芝還。覽卷神為往。鮮焱灑珮環。

鄉人丁祐妻喪不再娶號僧不喜其有子為贈

絕句以發其微意王逢

傳家有子日將車。散髮從容候曉霞。若也斷弦膠可續。後堂風雨暗梨花。

九日先妣遠忌日示兒掖攝拊王逢

年年九日罷登高。悽愴心存鞠養勞。三宿奉齋聞磬款。一杯酌酒濕蒸蒿。不辭亂世依親隴。正用遺言訓汝曹。黃菊紫萸看易厭。碧梧風露滿庭皋。

故將軍歌有傳王逢

故將軍歌。哀上萬戶蒙古氏丑厮侯也。侯字靜如。以世

助佩三珠金虎符。官昭勇大將軍。鎮江陰。謙格尚義。人
悅慕之。至正十一年。淮西亂。督軍九江。取道安慶。時湖
廣威順王在道。王聞侯頓兵。即帳下以退守。地虛弱。強
侯爲張飲之。會宣讓王遣使諭旨曰。安慶控淮。江要衝。
命侯就鎮。前後出師。凡二十九捷。十二年冬。十一月。寇
悉衆。水陸並進。侯連破之。翌日。復大破。輕舟追後。中流
卒。是月二十九日。二王哭之哀。給白銀五十兩。賻葬。先
是逢與宴侯第。時海內無事。嘗謂侯曰。太歲在辰。侯當
保障一方。戰勝。恐後不利。盍慎諸。侯答曰。大丈夫戮力
王室。死無憾也。侯事親孝。征閩寇。衛海漕。咸有功云。

將軍舊乘青驢。蒼龍金虎雙輝。光揚旌伐。鼓靖閩徼。山
鬼迸落黃茅岡。長鯨喊呀欲東噬。以身扞海。民樂康。十年
楊柳蔭環堵。一夜首宿空沙場。淮江蕭條咽流水。殺氣妖
氛亘彭蠡。提兵假道古舒州。親王遮留勞玉趾。王言三邊
賊緣蟻。將軍不止我其死。月氏彌饑酒數升。諾重泰華輕
丘陵。諸胥孤懸襍使守。睥睨危急使先登。萑蒲獵獵開金
翅。篁竹深深攢鐵菱。長驅大捷二十九。生俘千人梟萬首。
爭獍健兒駿奔走。電掣雷訇若神授。東南瘡痍合未蘇。終
焉性命豺狼有。仲冬炎風動地吹。太陽血赤芒星垂。將軍
百射百中之。弓撥矢鈎天爾爲。黃蕉丹荔芳菲菲。保障于

里今誰祠霜繁雪稠侯我思。

連環歌

弔杜友開夫婦

王逢

白玉雙連環。瘞在春申山。山前夫婦義同死。心與連環相似。日月合炤無欠虧。天地相依共終始。天地日月非九環。今環兮冰雪寒。

三貞篇寄納麟哈刺參政幕下僚友

王逢

梧西女陳氏。顏色絕勝玉。阿耶燈窓下。古傳常暗讀。義嫁官人。麻泉心所足。兵麾忽東指。烽火蔓平陸。魚鱉遭顛連。雞狗同迫逐。猥獠哆其口。反噬几上肉。母子泣相誓。寧死不汝辱。春輝黯門楣。寒日炤鬼錄。皇天實鑒臨家廟。為

慘肅

陳氏母曹未直講確七世孫女

髮婦

惠婦吳俱里人

亦在難。自判受命獨

臂血濺賊紅。賊歎為歛縮。差差白刃間。偉節驚耳目。荒野雲雪暮。緬想會深竹。水流風悲鳴。星迸萬羽鏃。回首陷沒地。何限委溝瀆。大參行當來。卹典具簡牘。前湖百世祀。此五代時烈女何氏也明妝儼車服。從以雙素鸞。配享疇敢贖。孤蓬任漂轉。餘齒寄草木。倡茲三貞篇。庶用矯浮俗。

避亂綺山謁子方先生陸公墓

王逢

我經冷水灣。缺月照微服。景非度秦嶺。事類避同俗。松深聞無烟。狐兔紛竄伏。隆然四尺土。脊脊在東麓。問是先生墳。感慨逾慟哭。洵書失歐陽。蕢對多馮宿。宿許韓兩耆舊。許益

之韓明時論推鼎足。憶過先人廬。白駒駐脩竹。周情與孔
思。小子幸私淑。天回晨星稀。世亂烽火屬。心言采芳藻。中
宵不盈掬。太玄屬桓譚。九歌隘宋玉。抱膝獨長眠。披榛忍
南逐。

送章庠景序遷祖衣冠葬父櫬還鄉中致山先隴
不負詩書業。躬遷祖父喪。丹砂書翠表。金井錮黃腸。日月
新臨炤。風塵舊痛傷。縣公敦孝理。廬墓有輝光。

題內兄李四彥梁所遺温日觀蒲萄有王逢

逢與內兄遭乙未亂相失。五年未始解。后妻上相勞。問
間見僧温蒲萄圖。益為愴惕。嘗記垂髫至十五六時。侍

大母徐氏諱閨芳側。累聞之曰。吾舍西舊有蒲萄。因樹
為架。涼天佳月。而祖諱亮字潛昭下。醉乃休。而祖沒。蒲萄從而枯。殆二紀矣。聞又誨曰。而

祖上自高曾逮而父咸。獨植門戶。汝僅有弟唐寶。又早
喪。使汝苟富而玷宗。不若素貧而承嗣祀。薄田敝廬。可
粗守也。汝其無忘。大母壽八十六。卒。且二十稔。內兄久
辭軍曹。年已六十。逢竊伏江海。亦四十餘矣。觸物感心。
不自覺涕泗泫然也。內兄以圖遺逢。因序而詩之。是年
至正己亥。

吾家先大父。嘗愛草龍珠。一樹紫烟淨。八窓清露濡。干戈

形遠夢。江海見斯圖。歷歷重闡訓。終身誓不渝。

遊鯉山

山舊名鯉里

王逢

鄉山三十三。遊鯉真郊南。截然獨高大。秀揜東諸嵐。土剛蓄炎精。厓仄削劍鐔。我嘗挹飛翠。遠在滄江潭。波濤與伏興。雲霧相吐含。恍然穆王駕。八駿左右驂。又如琴高仙。脚踏朝蔚藍。久思更徽號。新喜遂幽探。太白賦九華。後來成笑談。狂歌繼其武。林澗免愧慚。春風綠瑤草。秋霜紅石楠。行將修月斤。為鑿避世龕。蛟龍正格鬪。鯢化誰其堪。

席帽山先隴圖詩

有引

王逢

山本黃山。東峯之別名。距江陰城北六里。與馬鞍山相

屬。曾祖昌誼先生。大父潛昭居士。大母徐氏。先君庫使。

妣李氏。

諱靖真

墓東西相望焉。至正乙未冬。不肖逢。不幸

避亂于外。寢五年矣。顧風烟遼隔。不得以時祭掃。因托征東提學。睢陽朱澤民為圖。江浙分省郎中。天台陳基為敘。仍自賦一章。示兒掖攝拊。用永其孝思焉。

春林烏鳥啼。墓上開棠梨。清明寒食近。子孫各提攜。行行黃山道。山光明素縞。鬱炙奠酒漿。羅泣紛拜掃。幸行緩緩歸。及此風日好。頻年喪亂苦。莫甚我鄉土。連村十萬戶。存者僅可數。石羊石馬羣。亦已卧榛莽。於乎我先塋。目斷竟

鬼聚。木落氣返根。天寒水歸源。豹死義首山。狐死首丘原。

汝曹昧斯理。苟全奚足論。作歌興孝思。不繫圖書存。

義鄧

羊公黑髮志已招。於公平好王逢。

吾鄉有鄧添。千里負主骨。晨夜竄草間。宛轉皆虜窟。膀胱苦何辭。性命門一髮。日車昏盪漶。虹暈或抱月。冤氣相衝塘。鳥獸亦獷狽。經過百戰地。青春暗消歇。深幸主有靈。全生及城闕。主母悲喜集。流淚心激越。主妾事他人。空庭自花發。主昔為龍蛇。公論不可沒。但感衣食恩。疎戚均賞罰。在家為義奴。在軍為義卒。庶幾銜土鳥。尚愧擊地鶻。淒淒荐霜露。哲哲上參伐。不見秦舞陽。悲風動天鉞。

貪山歌聞門生薛復田廬其下懷歸感昔賦以寄之

鄉山東遮兮犬牙銜。屹神秀兮奚名為貪。我嘗經度兮加策鈍驂。義不留兮士之攸嫌。聖過盜泉兮忍渴弗取。墨舍朝歌兮。孝去勝母。處獨絕。發兮。殉節死歐。飲犢上流兮。尚推潔犢口。彼皆然兮。德維其有。夫圭玷兮。貴鏃。衣垢兮。用澣。愚莫愚兮。怙惡。賢莫賢兮。遷善。於茲山兮。有隅。尤介若兮。不汗。顧依本兮。美物。更曰廉兮。匪踰羣兮。彙聚。綺黃二山名賓逆兮。君山名望江滸。鯉山名遊龍兮。前駮。殿跑名今鹿旁乳。事並見郡志嵐曉現兮。會丹昕。峯高寒兮。酒翠

氛。乃儲雲蓄雨。不屑澤下國兮。氣饋如兮。乎尹。草豐縹兮。木潤液。猥鶴胥來兮。豕蛇寔息。嗟神往兮。夢歸。疇縹予兮。

藥石紫芝燁兮商顏燁。客星隱兮富春美璞玉剖兮荆岡
慙蕙帳虛兮鍾阜耻。誓將岩栖谷壘以彷彿夷展之越躡
冷。二二三子兮操杖几。尚雙兮飛廉謝山靈兮躡履。

秦筆妻

至逢

良人賣筆芙蓉市。交接無非大丈夫。詩書禮義言熟聞。冰
霜松栢操笑云。亂餘良人死君托。性寡見君尤不惡。願君
葬妾良人邊。夢中雙報筆如椽。

奉陪貢泰甫侍郎翟仲直州尹吳文序教授遊君山
貢有詩屬逢和程儀可慎長為序山有春申墓。

港入黃田似野壕。山橫鵝鼻泖江濤。珠光夜冷三千履。全
俗。心歸呂氏功。題詩重起廢。非敢銜雕蟲。

夢斬公信州判

王逢

昨夢過朱輪。衣冠儼主賓。清齋三月守。厚德八鄉民。山鎖
背晴浮第一鼈。太守政聲南斗逼。侍郎辭氣五雲高。吳帆
楚鳥來無際。愧屬吾儕肆酒豪。

奉陪何禮部

鏞

蕭揚州

二公皆前郡守

劉總管

若水

侯治

中郡判官鄧

定

知事陳

文杰

教授翁

仁實

赴理幕

蔡

廷秀

澄江義塾率眾執事行香約禮逢次理幕韻

術序行鄉約。衣冠集寓公。駿奔多秀彥。瞻仰及愚蒙。化煦
芹邊日。仁行草上風。盟卑齊相管。禮鄙漢臣通。義變延陵

江陰縣志
修
蓄薇洞。天低杜宇津。論心復道舊。分首悅超塵。

挽梁先生 有引 王逢

先生名益字友直號庸齋三山人有詩傳旁通行於世
燕入吳雲二月前。先生獨上馬洲船。方期花柳陪行樂。不
意蘋蘩薦豆邊。萬里乾坤空老眼。半生風雨共寒氊。長沙
鵬鳥悲王傅。滄海鯨魚歎謫仙。幸有官奴繼書法。何須驥
子誦詩篇。有人願守三年墓。夜看文光直上天。

和荅孫大雅教授兼柬吳蔡昆季 王逢

梁紇祠荒磬罷編。東家書就幸逢年。階庭並列封胡秀。故
舊新承雅頌篇。桑外影長西崦日。硯中光倒始青天。我家

撮拊非戎比。始傍旌揚種藥田。時兩兒從許太和習醫

頻年歸盡首丘狐。兩地初休繞樹烏。伏勝終身秦博士。王
符甘分漢潛夫。絳桃飛淚袁崧宅。翠荇牽愁陸瑁湖。吳蔡
慶門親且好。不知能為秣驪駒。

寄慧朗元白 有引 王逢

至正二十五年冬。丞相張士信重徵僧度牒錢。僧苦之。
時朗住持杭之天華寺。因斷一臂。說四句偈以獻。於是
賴免者衆。明年春。有自赭石來者。為求贈言。且云朗鄉
之毘山人有道行。乃寄詩曰。

時宰徵錢急。山僧斷臂歸。寸心塵不昧。全體月還輝。赭石

高風振金城。霸業非似聞。寒壑底。虎子尚號饑。
得兒掖書時。戊申歲。王逢

客夢躬畊隴。兒書報過家。月明山怨鶴。天黑道橫蛇。寶氣
空遺水。春程不見花。衰容愧耆舊。猶話玉人車。

贈孝僧琳 王逢

華嚴內典釋中尊。詩向吳臺獨樹村。十指滴枯遺體血。一

心追報二親恩。環函夜繞金光燦。黃壤春回淑氣溫。却怪

亂離多處隔。獨能奉養泰生存。江魚雪白憑登饌。野樵青

紅夢倚門。客舍題詩良有以。頻年必見髮兒孫。

謝邗仲義進士寄題澄江舊稿 王逢

釋褐平生友。郎官辟共辭。復形椽筆夢。過頌權歌詩。樓

雲霞錯。沙鷗霧雨悲。歸舟阻習險。士稚莫吾期。

買住昂霄以。江陰副萬戶。累遷中政院。判官福建憲

僉會亂。遂航海歸隱。以孝聞。王逢

郡邑更新署。江山識故侯。寸心天北角。百指斗南瓠。月殿

金猊曉。霜輶白鷺秋。書來悟前夢。甘麗為親謀。

江邊竹枝詞 有序 王逢

予童卯年。輒聞里中。山謳水調。如遊鯉山高。主客人之

句。不一。狗叫沙。在蔡港西北。歲產荻茅。官為薄賦。予家

分佃頃半。庚辰冬。因取其入。過嚴氏子恪。甚秀敏。得陪

遊望沙與蝦蟆山鞋浦相連。告以水調。遂撫舊聞。釐正之。得十首。書遺恪云。春西北。秋東南。冬水。夏風。正

遊鯉客山高刺雲。天門山小舊稱君。挿江鷺鼻移沙脉。愁殺濤撞黃歇墳。

亂石呀聲大小灣。石中無玉作連環。楚江風浪吳烟雨。翠鎖修眉八字山。

馬沙十八里江程。潮落潮生船送迎。南來士氣漸吳習。北下農謳變楚聲。

社酒吹香新燕飛。遊人裙幄占灣磯。如刀江鱗白盈尺。不獨河鮑天下稀。

南北兩江朝暮潮。郎心不動妾心搖。馬沙少箇天燈塔。暗雨烏風看作標。

北望大江南望城。席帽馬鞍屏障橫。儂是小山漁泊戶。水口風門過一生。

石筏橫津蛟莫窺。近山張弩或眠旗。儂作神衫與神女。祈水祈風郎不知。

巫子驚湍天下聞。商人望拜小龍君。茹蘆草染榴紅紙。好剪凌波十幅裙。

潮落蟆山連狗沙。黃泥鞋浦趁江斜。阿儂十指年嬌小。曾比新抽春荻芽。

山望五狼風不淳。狼邊人接販私人。那得推狼葬天塹。官賣賤鹽郎貴身。

懷故園時寓隱烏涇十有七年

王逢

薇花空復故園情。梧樹猶標里舍名。山抱墓田巡獸白。天流江浦去鷗清。餅罍滿載憐洪嶠。弩矢前驅隘馬卿。他日苟歸何藉口。一門無恙讀書聲。

謁陳烈士廟墓

王逢

夙負聰明號聖童。野狐西闕白于虹。颺言佳室青烏子。效順長江赤鯁公。香桉山朝雲泱鬱。翠茵沙枕樹龍蔥。饁夫釋未談遺事。餉吏連艘醉快風。祀典寵輝荒寂表。靈休昭降混茫中。蘋蘩為寓維桑敬。生氣英英月在空。

寄示內姪李用外甥俞董

王逢

兵甲氣全消。心旌北向搖。鯉昂雲際額。蛟斷草間腰。習隱繇中歲。辭徵涉兩朝。莫期歸衣錦。曾鄙去題橋。

贈呂醫師

如心

王逢

橘花開處杏陰青。百草吹香覺地靈。貧士願留賒藥券。故人思續衛生經。玄霜玉臼晴猶濕。華月丹房夜不扃。張敘苦吟仍病肺。擬和熊膽護脩齡。

敘字彥倫黃田人從子授尚書

壙銘

戊辰元旦書時七十

王逢

驪駒山

園北小山

儀鸞水

所居張涇

首西正丘狂斐士詩

旌忠孝節義鬼幣相公侯禮攜家辟地兩辰巳布衣
疏盤善修巳草木禽魚知姓氏昨惺惺今起起無強近親
鮮昆弟有芹薦者二三子

人只續藻仲宗弟句錢塘張不洙

風雨抱琴良不惡草堂清酌更相宜故交屈指無多矣後
進如公少有之三謝詩名終可到二王筆法已能追寒齋
迨夜相思切曾折江梅寄一枝

其甲徐本中書室圖與雲林子賦會稽人 楊維禎 字廉

小鳳遐飛碧玉京玄亭抵掌話生平圖成好識先天語十
二樓頭第六楹

江陰吳士明花園

元婺馬 肅 字叔源人

松風微動涼生座竹雨初收青近人日日憑軒舉春酒不
知朝市馬蹄塵

虛亭面面壁玲瓏庭下遊魚白間紅久坐不知香霧濕竹
闌干外藕花風

居竹軒

無錫倪 瓚 字元人

翠竹如雲江水春結茅依竹住江濱階前迸笋從侵逕雨
後垂陰欲覆隣映葉黃鸝還自語傍人白鶴自能馴遙知
靜者忘聲色滿屋清風未覺貧

張藻仲留飲草堂因賦

為愛城居似野居。女蘿緣逕水循除。博山雲霧尊中酒。庭
竹風翻榻上書。已覺新涼生筆硯。也知遠興到鱸魚。秋來
白羽非無用。攬轡澄清志不殊。

江南春

汀洲夜雨生蘆筍。日出瞳矓簾幙靜。驚禽蹴破杏花烟。陌
上東風吹鬢影。遠江搖曙劍光冷。轆轤水咽青苔井。落花
飛燕觸衣巾。沈香火微紫綠塵。春風顛。春雨急。清淚泓
泓。江水濕。落花辭。枝梅何及。絲桐哀鳴亂朱碧。嗟我胡為
去鄉邑。相如家徒四壁立。柳花入水化綠萍。風波浩蕩心

怔營

江陰袁仲徵作軒名負林。日夕嘯詠其下。至正十二

年二月廿四日。訪予南蘭陵寓舍。徵僕賦詩。走筆應

請。

倪瓚

風生篔簹谷。雲迷渭水原。蕭蕭春雨後。翳翳清陰繁。憶昔
文使君。燒笋具盤飧。彭城詩適至。大笑飯為噴。風流成異
代。寂莫今誰論。夫君暨陽隱。字徵其姓袁。二仲接徠遊。子
猷時到門。冠同薩縣製。坐對宜城尊。翠羽共栖托。鳳雛亦
孤騫。載誦偃竹記。忽若聞清言。邈哉古人跡。尚友不可諼。

送權中上人回江陰禪香寺二首

錢塘馬臻字志道

深省楓橋半夜鐘。禪香得業早心空。無端踏徧錢塘月。又

覓新詩送遠公。登臨香野莫早心空。無端却論詩。杖錫秋風去住輕。諸方解結慣曾經。依然舊業歸來好。庭樹森森柏子青。
君山登覽二首 樂 坐 遊 宜 壯 真 率 依 玩 貢 師 泰 樂 亦
畫橋垂柳傍官濠。夾岸青山湧雪濤。楚相丘墟遺石馬。梵王宮殿壓金鼇。天迷鴻鴈江流濶。風撼魚龍海氣高。此日登臨無限意。古今消盡幾英豪。

又

孤嶂臨滄海。千山湧大江。遠帆歸市獨。高塔倒波雙。鷗鷺爭洲激。蛟龍怒石砉。壯遊心未已。飛雨灑船牕。

沙上

廣平

宋

無

字 羊 虛

四望無邊際。中浮一片沙。人居釣艇。官賦種蘆花。渚綠紅蒿短。江青白鳥斜。垂流欲東去。萬里寄生涯。

早鄉田父言

宋 無

疲牛病喘卧桑間。碌碡閑眠麥地乾。殘稅驅將兒子去。豆畦却倩草人看。

江上聞笛

薩都刺

字 天 錫

江上何人吹玉笛。水冷沙寒龍夜泣。鮫人水底織冰綃。灑淚行珠明月高。銀河淡淡月茫茫。雁奴打更沙渚傍。更深繡被夜寒重。明月梅花滿地霜。

季子廟明日新亦此書
薩都刺

公子不來春草綠。故宮禾黍亦離離。沸原尚有千年井。古篆猶存十字碑。讓國一行輕似蕩。躬耕數畝足如茨。李家兄弟成吳越。羞見延陵季子祠。

過光孝寺

薩都刺

秋日留題翠壁層。出山聊近在山僧。肩輿又上沙頭渡。隔水人家兩岸燈。

渡江

青白鳥林垂紫焰。東去萬里襄陽師。嚴字道立

鹿門山人滄浪客。灑淚已枯眼見骨。風塵崢嶸萬里空。不知何處管三窟。城中性命湯火近。路窮援斷無消息。鼠竊

吳將軍鎮守江陰

青田劉基字伯溫

將軍少年才絕倫。丈人蛇矛弓六鈞。銀鞍駿馬馳絕電。出入戰陣如有神。千年鼻祖西河守。文治武功無不有。堂堂魏國一長城。虎視秦人畏東首。篋中兵書幾萬言。上遡呂叟窺軒轅。運籌決勝帷幄內。將軍勇畧真其孫。將軍知謀天所啓。源泉淵淵海無底。三軍側目避威風。矯矯難兄更難弟。晉國元戎偃與毛。漢家二耿同英豪。今者將軍又儷矣。騰陵不覺蒼山高。憶隨真主過江左。身披重甲黃金鑊。援矛陷陣無勅敵。引滿射生須沒筈。躍如雙龍出海雲。撒若兩鵝穿鷓羣。一呼萬馬皆辟易。一鼓四野開殺氛。揮戈

自是迴日手。戰勝論功獨居後。要令聲名繼大樹。肯使烟
塵驚細柳。江陰地連吳會長。熊羆當道狐狸藏。層城粉堞
靜笳角。平田白水安耕桑。皇天無私德是與。以德保民人
孰禦。棟梁楹桷要相扶。勉為蒼生慰延佇。

天吳將軍鎮守江陰 當全 陶安 字主

二百年前說兩吳。中興功業滿邊隅。弟兄今復為良將。英

勇俱能敵萬夫。怒斥鯨鯢并巨海。平驅士馬獵姑蘇。無心

晏樂軍中肅。要挈山河入版圖。

又 定遠 李善長

大江入海渺吳東。隱隱長城保障雄。魚稻滿村逢稔歲。甲

兵指敵獻全功。嘉猷輔國邊塵靜。緩轡巡營夜漏終。操守

正符君相德。金昆玉季此心同。

送張宣歸娶 浦江 宋濂 字景

英年歸娶奏金鑿。喜得天顏一笑看。紅錦裁雲朝奠鴈。紫

簫吹月夜乘鸞。靈椿堂上承中饋。寶鏡臺前結合懽。從此

梅花消息好。青綾不似玉堂寒。

徐本中使蜀歸里 吉水 解縉 字大

行將忠信勸諸羌。歸見文名貴玉堂。事與相如可同傳。錦

衣寧比犢衣長。

哀李士龍將軍辭 邑人 張宣 字藻

盤漿烏龍敵將擒。解鞍白馬矢痕侵。江山漫灑新亭淚。天
地空懸卽墨心。仰藥自甘酬萬死。砍頭誰許購千金。錦沙
泉上新封樹。落日蕭蕭起暮雲。

謝張雲門惠墨竹歌

張宣

太常先生官事閑。時時寫竹三四竿。就中一幅意所到。故
使捲贈山人看。山人書畫何曾識。強向人前弄筆墨。此君
更覺與相親。筆下無神摹不得。長身耿耿霜枝垂。蒼龍倒
影雲淒迷。玉簫無聲珮環冷。彷彿瑤臺月下歸。黃金錯刀
交屈鐵。石上珊瑚寶釵折。不知何處起秋聲。滿地清陰落
蒼雪。古來誰爲竹寫真。吳生墨妙乃其神。朝川千年草木

死。開元石刻爲世珍。清貧太守胸千畝。此竹此人寧復有。
先生挹袂拍其肩。高趙以來無此手。古人乃見今人中。今
人還有古人風。經營慘淡出象外。肯以形似求妍工。空齊
四壁秋如水。坐對恍然巖壑底。天寒翠袖倚佳人。日落黃
陵愁帝子。瀟湘洞庭空復情。此君與我俱忘形。雪霜凌兢
不改操。唯應歲晚事先生。

琳西玉血書華嚴經報母

張宣

上人苦行滅根塵。曾是華嚴會上人。指血盡成功德水。新
恩難報去來身。天香圍繞神龍護。金色鮮明字畫勻。鹿野
拔提無一語。始終經教總非真。

賦得龍母祠送賽景初之琴川

張宣

龍伯之宮東海上。更誰祠母向山阿。春秋歲歲羞蘋藻。雷電時時繞薜蘿。民為乞靈來薦享。我因弔古一經過。綠波春水今無恙。送別其如感慨多。

逢烜上人

烜吾同里人受業乾明禪寺宣常讀書其中

張宣

乾明佛宮古道場。中有張子讀書堂。天香濃薰自薜蘿。風鐸暗語金琅璫。當時聽去蹴龍象。只今在邑憂豺狼。別師十載一相覓。三生石上無相忘。

陪周伯溫左丞春游次韻

張宣

官河流水又春波。流盡興亡事幾多。忍見義熙書甲子。已

聞聖德頌元和。數莖白髮何須染。一寸丹心未肯磨。零落

館娃宮畔月。當年曾炤美人歌。

雨中

邑人孫作字大雅

江南斗米三百錢。抱飢閉門人晝眠。衾裯入市不論直。破

竈日中炊濕烟。

雪桃

昔哀公以黍雪桃。孔子非之。近世以餅雪桃。莫覺其非也。傷之。

孫作

餅可充飢黍可餐。桃如大藥駐朱顏。空腸待得三千歲。辟穀何人不入山。

大桃刺口如蝟毛。小桃青硬不容刀。端門馬上晨炊餅。誰信人間用雪桃。

菽乳

豆腐本漢淮南王安所作。惜其名不雅。余為改今名。因賦是詩。

孫作

淮南信佳士。思仙築高臺。八老變童顏。鴻寶枕中開。異方

營齊去聲味。數度真琦瑰。戎菽來南山。清漪浣浮埃。轉身一

旋磨。流膏入盆壘。大釜氣浮浮。小眼湯洄洄。頃待晴浪翻。

坐見雪華皚。青鹽化液滷。絳臘竄烟煤。霍霍磨昆吾。白玉

大片裁。烹煎適吾口。不畏老齒摧。蒸豚亦何為。人乳聖所

哀。萬錢同一飽。斯言匪俳詼。

為翟守賦雙檜

即今見節堂檜也。守名諒。

孫作

公館蕭條百歲餘。獨存雙檜向江隅。山川雲雨時時會。造

物風霜隱隱扶。后土不埋龍蛻骨。赤霄端有鳳將雛。醉翁

草木皆堪敬。聞道邦人畫作圖。

贈張宣州書歌

長洲高啓字季迪

昔聞汝祖東吳精。醉傳艸聖醒而驚。女今能飲不滿杓。逸

氣欲與相崢嶸。高堂把筆若把梨。長綃一拂悲風生。陰垂

大澤雷雨過。響破巨峽波濤傾。颺颺遊絲罥晴晝。落落高

斗回寒更。飲猿連臂深澗絕。飢鶻捩翅荒烟橫。自言靜裏

觀萬物。故能變化窮其情。嗟予少本好劍舞。學書晚方從

父兄。終焉懶惰不得就。塵滿硯田嘗廢耕。覽時撫事每有

感。胸次碑碣何繇平。空齋往往出怪語。吟聲相應飢腸鳴。

篇成請君為我寫。墨瀋灑壁從奔崩。是時黃雲閉歲暮。返

江陰縣志 卷七 詩
修
炤忽出寒江明。手隨意到不留阻。正似笑騎陰山行。令嚴
不聞戈甲響。一夜下盡名王城。安得師行亦如此。頃刻坐
見乾坤清。嗚呼作歌聊贈汝。愈使流淚沾衣纓。

秋江晚渡圖

高啓

鷓鴣飛盡一洲蘋。帆帶秋雲度遠津。底事愁看畫中景。昨
朝曾送渡江人。

秋江曲送顧使君

高啓

秋江月滿秋潮大。江上行人待潮過。別離休說渡江難。半
日順風船穩坐。楚江茫茫葭菼平。使君來時雄雉鳴。子弟
從軍隔江去。幾家猶住夕陽城。水田雖荒飯嘗足。芡米夜

春二十斛。誰道繁華不及前。戶無征稅官無獄。渡江渡江
君莫留。江北樂似江南秋。

春申君廟

高啓

封吳開巨壤。相楚服強隣。名重三公子。謀疎一婦人。畫幃
留古像。珠履絕遺塵。簫鼓時迎祭。還憐舊邑民。

里巫行

高啓

里人有病不飲藥。神君一來疫鬼卻。走迎老巫夜降神。白
羊赤鯉縱橫陳。兒女殷勤案前拜。家貧無穀神勿怪。老巫
擊鼓舞且歌。紙錢索索陰風多。巫言汝壽當止此。神念汝
虔賒汝死。送神上馬巫出門。家人登屋啼招覓。

江村雜興

蘇州楊基字孟載

春墅一鳩啼。橋危懶過溪。徑苔都上壁。野

妨花密。看山碍竹低。欲知幽隱處。風雨白門西。

江影搖春樹。潮痕摺晚沙。綠蕪三尺雨。朱槿一籬花。去國

仍思國。還家復夢家。自無干祿意。何必遠京華。

咫尺南朝寺。松杉覆短垣。野猿偷佛供。山鳥學人言。石氣

晴猶濕。泉聲靜却喧。塵心久空寂。隨意給孤園。

賦澄江贈友人別

泰和劉崧字子高

澄江之水清如油。春瀾漫漫光欲流。微風忽動白鷗渚。明

月正上金魚洲。洲前美人綵舟發。起唱吳歌踏江月。別愁

深淺君自知。江流不斷長相思。

江陰老人謠

高郵汪廣洋字朝宗

江陰城中頭白翁。面皺春曲雙耳聾。手扶竹杖官道側。向

人欲語捫心胸。自言往昔承平日。老夫城中家富實。一從

淑右干戈興。官稅差科日繁劇。大兒從軍行。小兒應夫役。

幸有老夫存。連年避兵革。戎兵既退海寇來。江陰城中生

綠苔。人心反覆七變易。殺人何異誅蒿萊。去年自逢吳總

兵。與民為主民獲生。官軍不擾民樂耕。大開濠塹堅築城。

老夫縱老何足惜。願與聖朝歌太平。

元宵待晏

邑人鄧明字光遠

九重春色透蓬萊。萬斛紅蓮一夜開。煖霧乍收凝赤焰。微風欲度墮香煤。恍聞月殿雲和奏。不禁金門玉漏催。四海只今歡至治。小臣願進紫霞杯。

春申君祠

無錫王達
字達善

昔年大邑封江東。意氣傾奪何其雄。今朝送客過祠下。感慨今人愁萬重。頽垣敗屋鳴寒鼠。千載寥寥竟無主。片言曾見報強秦。一計那知失于楚。古來辯士多殺身。用智得愚良苦辛。三千珠履今安在。門外青山解笑人。

賀趙孝子旌表

蔡泉

砂阜孕奇璞。秀出芙蓉青。泉深白龍臥。林靜玄猿鳴。偉哉

趙孝子。山水鍾奇英。祖父昔遘亂。身殞家亦傾。時方居襁褓。萬死潛孤形。艱危脫虎口。家眾惟有承。匪依姒氏始。保抱誰能成。恩深教仍立。榦絕根復萌。時平返故里。田廬欣再營。居安心轉暢。母氏嗟曷迎。陟岵望南北。東西邈難憑。精誠貫金石。一念徹杳冥。音傳思殊亂。指嚙神亦驚。孤衷

默俾之四明。一朝忽相遇。離思如春冰。綠衣炤吳越。白髮還家庭。熙熙復皞皞。此樂孰與并。陽春浩無涖。寸草伸微情。頽筮奉彼適。義馭馳莫停。霜萱委晨砌。風木悲秋聲。攀慕劇號顛。寤寐瞻儀刑。孝行世可重。幾人能力行。黃泉

已埋骨。青史常標名。天恩錫旌表。里閭生光榮。寥寥朱康叔。千古堪同稱。作詩告來世。俚語非無徵。

敵山展墓

邑人丘模字惟弘

淡烟漠漠起江城。水色山光入眼明。稚柳綠藏鴉鷺小。落花紅逐馬蹄輕。家家坟隴迎風掃。處處畝田候雨耕。云是清明好時景。子規啼血不勝情。

延陵季子祠送張守

天台僧宗泐字秀潭

延陵古名郡。季子有祠宮。古木階前合。長河戶外通。仁風垂後代。讓德繼先公。太守之官去。褒賢禮更崇。

遺廖大理三首

名莊諡恭敏
邑人顧琳字汝王

幽懷怒如擣。奮欲飛彼旻。冥冥望無極。浩蕩風披雲。之子在萬里。哀鳴九天聞。群角散濺濺。衆翼迴紛紛。當塗總翕忽。失路空悲欣。以我耿耿憂。知君日殷勤。所恨為力弱。耻從駑馬群。何時一振衣。聊以樂我員。

孤鴈歸南國。翩翩起高翔。引領忽不見。涕泗沾我裳。吳水深萬丈。欲濟川無梁。我欲從之游。改轍登高堂。徘徊衢路側。仰見日月光。
氣清天宇高。心寂塵纍空。木落山獻體。波縮沙留蹤。明滅固有時。容色如飄風。欲行似違俗。欲止非令終。為詩寫幽尚。抱恨恒忡忡。

自揚子舍舟步入常熟縣

雲間袁凱字景文

水行已兼旬。舟楫苦馳逐。晨昏侶鮫鱷。出入同雁鷺。黑風無終竟。白浪仍反覆。鑑鉤絕天樞。瀚溷折地軸。旋淵屢傾墮。利石時抵觸。淪喪固非遠。哀籲宣辭黷。皇天實陰隲。茲辰遂平陸。神寬息漂蕩。手足散頑木。徒侶紛來慶。酒馘及奴僕。況茲春氣和。百草回新綠。山桃亦多花。委蛇自相屬。粉榆已在邇。曠隔無再宿。從茲謝奔走。且飯東臯粟。

感懷

徐晞字孟初

十年騎馬戰龍沙。不道功成兩鬢華。昨夜思歸有鄉夢。江南春色遍梅花。

送黎伯括使燕京

邑人鄧公直字誠之

驛路三千君據鞍。海門十二我還山。中朝使者煙波客。君得功名我得閒。

竹鶴軒

宜黃饒玄德邑人

當時仙人愛丘壑。賸種琅玕招白鶴。縞衣夜映月華明。翠葆朝凝雲氣薄。琅玕可種鶴可招。青天歌罷鳴鸞簫。卻慕燒香清隱士。絕似吹笙王子喬。玉喬清隱不易得。二仙已去無消息。白鶴飛衝丹鼎煙。遶屋簷管陰秋碧。我今來作江陰令。每羨幽軒出高迥。幾迴彈罷紫瓊琴。風散天香虛室靜。

寄題高曾唯君山別業

歷下 李夢陽 字獻吉

一山背城起。萬古號為君。秀攬江心月。輝吞海面雲。金陵通地脉。玉港發人文。羨爾投簪客。中年卧紫芬。

季札墳邊業。春申邑後山。一江平展鏡。兩港曲成環。不雨雲烟擁。長春艸木班。隱君梯萬丈。倘許世人攀。

秋夕懷江陰曹毅之

信陽 何景明 字大復

百卉飄零盡。孤鴻何處歸。高樓橫暮笛。萬戶搗寒衣。南國江潮遠。佳人尺素稀。獨愁誰與晤。明月鑒重幃。

送郭外舅之任江陰

何景明

郭舅佐名邑。出門憐汝甥。春風到江縣。花下早鳴鶯。聽訟

琴堂靜。哦詩竹檻清。臨行贈玉珮。空有渭陽情。

感懷

吉水 周忱 字恂如

日晏忘餐夜半興。簿書煩惱為無能。秉心初擬澄衡鑒。任蕙寧知越準繩。法在郵民民反病。事因除弊弊逾增。前非未悟羞蓬瑗。敢嘆微軀踐薄冰。

賑饑詩

周忱

蕭蕭疋馬過江干。滿目饑民不可看。十里路埋千百塚。一
家人哭兩三般。犬銜骸骨形將朽。鴉啄骷髏血未乾。寄語
當朝諸宰輔。鐵人聞着也心酸。

艱難百姓實堪悲。大小人民摠受飢。五日不燒三日火。十

家關閉九家籬。隻鵝止換三升穀。斗米能求八歲兒。更有
兩般堪歎處。地無芳艸樹無皮。

過楊村

邑人顏瑄字寶之

水光寒浸月。樹色澹籠烟。柝響臨溪堠。燈明隔岸船。

江陰寓舍漫興

邑人徐淮父孟

窓前數株栢。峩峩古衣冠。對客無相容。鏡面霜雪寒。海榴
不自持。隔牆索人看。如何路旁手。真意傾桑曼。

山鳥集庭樹。顧我留好音。迂疎脫機巧。後物知此心。呼童
具盃盤。自聽還自斟。酒盡忽飛書。悵望烟雲深。

沿溪採芳杜。香氣襲我衣。會得不知厭。竟踏明月歸。空堂
燒短燭。餘情付清微。曲罷發長歎。此意識者稀。

鶯聲度綠楊。燕語華堂屋。好景值清和。高情對醞醖。焚香
究遺經。抱甕灌新竹。了忘故園情。頻年為客熟。

讀書茅簷下。古道炤我顏。掩卷思古人。邈焉不可攀。當夕
屢廢寢。當晝屢廢餐。浮辭炫俗易。實理躬行難。

寒士多局促。我顏獨軒昂。寧為珠玉捐。羞作瓦礫藏。落落
青松軀。凜凜寒雪腸。百年天地間。俯仰有耿光。

迂疎畏炎暑。散髮修竹林。綠色豁病目。清風滌煩襟。好詩
節間題。濁酒葉底斟。古賢不可起。勝會難重尋。

夫渠好色相。嬌艷無等雙。全家住水國。半面臨山窓。細雨

濕紅袖。微風翻翠幃。可望不可狎。貞心諒難降。

集古詩二首寄江陰門士 啟

宦遊蕭索為無能司空圖何處登高望二京鄭谷綵筆昔曾干

氣象杜甫青袍今已悞儒生劉長卿百年身世如萍轉伍良臣萬

里歸心對明月盧綸欲把一麾江海去杜牧五湖烟景有誰爭。

老向人門似更慵黃庭堅可憐鉛槧竟何功杜牧年拋造物甄

陶外蘇軾思入風雲變態中程顥客路情懷元倥傯朱熹此身飄

泊苦西東杜甫丹陽古渡寒烟積皇甫冉何處吹簫向碧空蘇軾

造化厚培何代物。崔巍直共佛樓高。柯如蜀相祠前栢。花

勝劉郎觀裏桃。壺榼尚期他日往。斧斤聞說有人操。叮嚀

地主勤撝護。莫遣靈根恨所遭。

澄江草堂二首夏景昭索賦

芙蓉城北大江邊。矮縛秋風竹數椽。脫繫久忘蒼隼累。息

機新慕白鷗緣。清詞激響佳人齒。故態高齊處士肩。目斷

海天三萬里。一聲蘆捲木蘭舡。

愛汝澄江草堂靜。傍人錯認浣花庄。門前小徑通花鴨。柳

外春陰壓釣航。醉眼看山烏帽側。行厨臨水白魚長。鳧鷗

鷓鴣淨相對。碧樹無風也自涼。

臨川 聶大年 字壽

崇禎十三年

江陰縣志 卷七 詩

登太平寺塔

湯胤勣

舍利光浮五色井。一登一眺一凝情。華楸曲折龍蟠古。畫角攢欒鳥過驚。吳越雲開天宇闊。淮揚烟掃地輿平。半空收拾洪荒眼。笑看醯雞甕裏爭。

題菊寄張宗璉同知

秦和楊士奇字名遇

曾伴金城坊裏住。隣園目目看花來。高秋九月雋陵鄰。瀟灑何人共酒杯。

思誠齋裏清如水。坐對幽花晚自香。共有故園蟻菊上。幾時歸去賞秋芳。

題天壽觀清隱山房

紫極秋聲竹滿軒。一塵飛不浣琴尊。白雲自逐江風去。卧看君山懶出門。

餞同年薛畏齋

吉水羅洪先字達夫

送君不忍別酌酒。暨為歡塞馬誰論失。江鱸亦可食。買田多種秫。養竹自裁冠。倘遇南來雁。因風托素翰。

自佛手巖入慈雲庵

羅洪先

結茅應未久。初地蹙相尋。偶誦蓮花偈。因憐祇樹深。嶺雲垂佛手。巖石對禪心。莫作陵伽鳥。終朝學梵音。

季子廟

謝應芳

延陵采地荒榛棘。延陵遺廟成瓦礫。延陵野老歸弔古。獨

立斜陽長太息。塵埃野馬紛滿眼。城郭人民總非舊。共惟
泰伯吳鼻祖三讓。高風冠千古。周衰列國俱戰爭。卓爾雲
仍踵遐武。去國躬耕江上田。日附子臧非浪語。天倫義重
情所鍾。屹立狂瀾見孤柱。此義孰可比。采薇西山孤竹子。
此情知者誰。獲麟老筆十字碑。德音寥寥二千載。陵谷幾
番經變改。江南近代淫祠多。梁公不作可奈何。於乎祠堂
之毀還可屋。禮讓風衰較難復。漢家兄弟歌布粟。唐家兄
弟相屠戮。何當大化一轉轂。於變澆漓作淳俗。九州八荒
春穆穆。泰伯延陵斷絃續。芳也未死當刮目。

君山晚渡

冷宗元

落日黃山浦。輕帆綠樹斜。江浮漁火岸。城俯馬馱沙。拂雨
禾千畝。籠煙竹幾家。海天長嘯處。吟興浩無涯。

聞江陰解圍喜而獨酌爛醉

秦簡王孫孫一元 字太初

好音慰我靜風塵。漫喜呼兒笑語新。夏武有詩歌盛代。江
山無恙著高人。短簑月下形應古。白酒牀頭計未貧。安得
盡聞烽火息。一瓢長醉太平春。

宿江干

孫一元

宿鳥不移林影靜。春旗猶颭晚風虛。城頭明月夜如水。江
口小船人打魚。

過劉伶宅

建昌曾 蔡 字子

舊宅無人住。荒墟有路岐。一生渾是醉。萬古復何悲。白髮
銜杯處。青山荷鋤時。最憐獨醒者。高塚亦纍纍。

送別何竹鶴

邑人 陳 耘

莫歎南歸道路長。攜家此去入仙鄉。行隨流水尋花徑。閒
向青山卜艸堂。自有雲林成隱逸。儘教兒女樂耕桑。知君
得此恩非淺。惜別何須淚兩行。

同蘭堂卜先生游廣福寺次韻

邑人 徐元獻 字尚賢

飛飛花雨散諸天。那得纖塵到眼前。高閣風多堪避暑。古
壇松老不知年。客來蓮社心神靜。僧坐蒲團骨相仙。擬共
讀書分佛火。青藜何必更吹烟。

二島

蘇州 文徵明 字徵

雲白江青水映霞。夕陽欄檻見天涯。亂帆西面浮空下。蒼
島東來抱郭斜。萬頃胷中雲夢澤。一痕掌上海安沙。扁舟
便擬尋真去。春淺桃源未有花。

蘭陵舟中與湯右卿話別右卿大理公嗣也

文徵明

邂逅蘭陵話日斜。追思京國困風沙。扁舟又是三年別。尊
酒空驚兩鬢華。敢以虛名傾晚輩。曾從諸父說通家。秋來
何事匆匆去。孤負重陽菊有花。

贈徐直夫

蘭谿 黃 傅 字

夏商人物徐直夫。周漢以來人物無窮。年對坐。不見客。閉戶反觀。恒喪吾。四壁芸香。時落蠹。千倉紅腐。食垂魚。慚余世眼亦空爾。公是公非敢厚誣。

修圩歌

姚文灝

修圩莫修外。留得草根在。草積土自堅。不怕風浪喧。修圩只修內。培得脚跟大。脚大岸自高。不怕東風潮。教爾築岸塍。築得堅如城。莫作浮土堆。轉眼都傾頽。教爾分小圩。圩小水易除。廢田苦不多。救得千家禾。

開壩歌

姚文灝

開河容易壩難通。我有良方不費工。壩裏掘潭寬似壩。却

疏濬入其中。

相視吟

姚文灝

三江七澤使舟輕。看盡長隄及短塍。鷄犬不驚行李處。魚龍應識棹歌聲。澤邊圩埂年年壞。江上潮沙日日凝。一築一疏無別事。但教東作自西成。

吳農開河謠

姚文灝

遠堆新土纔稀罕。盡露黃泥始罷休。兩岸馬槽斜見底。中間水線直通頭。

池亭

姚文灝

竹屋臨池似隱居。水風林影翠旃旃。簿書不撓形骸適。閒

倚欄干看躍魚。

歸興

邑人方文謨字孔章

渡水試寒裳。看山索吟屐。初景正晴和。小蓮貼新碧。

何竹鶴山水

邑人卞榮字華伯

袁州太守何其賢。鳥中之鳳人中仙。眼空四海胸雲夢。懸
車早賦歸來篇。鋤雲自種三徑竹。養鶴只買二頃田。明牕
淨几拂縑素。興至落筆生雲烟。雜花幽艸各縹麗。蒼藤古
木相鈎連。雲門若耶在織末。只尺弱水蓬壺天。吾鄉風流
命孺子。太守下榻三年前。青絲玉壺送春酒。碧桃花底開
酒。醉傾墨汁如流泉。幻出斜川及輞川。分明孺子卜築

延牽蘿補茅三四椽。左圖右史看不厭。光風霽月心悠然。

蓬蓬莊叟室虛白。澹泊楊雄艸太玄。寒予買隣乏百萬。所
留舊物惟青氈。肩輿數許造竹所。江空歲宴相周旋。

曹允誠王國英同游繖墩追和舊作卞榮

舊客同游安在哉。舊題看罷重徘徊。深藏寶刹重巖樹。暗
蝕金鋪積雨苔。流水白雲長自在。拒霜黃菊爲誰開。山僧
不乞城中食。赤脚湖田刈稻來。

洗馬

卞榮

百戰功成自不知。天閑落落見權奇。五花雲濕青絲鞵。洗
罷桃花小雨時。

夜泊長壽橋

邑人 李宗 字德紹

寥落難禁客裏情。隔溪漁火照深更。僧歸古寺鐘初動。人在孤舟月自明。野徑雪晴梅有信。海天霜冷雁無聲。蓉城咫尺家園近。且對蓬牕酒漫傾。

精衛謠

沈仲頤溺海死妻錢氏年十九守節

邑人 薛章憲 字弄卿

海水日夜度。寧畏雙翅折。山石日夜銜。寧畏孤吻裂。石頭嶢嶢水活活。羽鏃眼枯背流血。但願高山石。化爲平行疇。但願滄海水。化爲清淺流。山高水流有盡頭。妾心未遂未擬休。

石堰塘觀漁

薛章憲

石堰瀾瀾浩千頃。縹緲三山螺髻並。居人聚落江湖迫。出沒烟波弄漁艇。黃蘆雪色覆屋廬。青山當門盡不如。鳴榔鼓棹行打魚。盡日來往無閒居。平生踏浪如踏土。東流一葉從掀舞。得魚湘之錡及釜。生事只知操網罟。倚岸斗入生盤渦。脚扣兩舷唱漁歌。斜風細雨濕綠蓑。獨宿船頭舞雉。嗒嗒。

嘉遜山居

薛章憲

枳籬茆屋並山椒。入郭都無十里遙。拂石閒攜桃竹簞。臨流仍榜木蘭橈。雲間穫稻留遺秉。月下烹茶拾墮樵。擬卜幽棲定僑札。超然肥遯絕紛囂。

處江亭

薛章憲

徙倚高亭送目遙。楚氛淮祲已全消。馬趨金埒騰江滸。鯨
感銀山上海潮。聊踞龜趺食沆瀣。似騎鵬背控扶搖。舉頭
尺五天應近。一朵紅雲拂赤霄。

贈松坡許隱君

嘗熟

桑

悅

字民

我曾去作青山主。種得青松三百里。甕頭酒熟摘松花。門
外風過拾松子。白日雷霆翠濤起。我時觀空靜忘耳。忽然
踏破希夷巢。猛虎一聲山月高。平土欲與吹散土。中流一

舟行

邑人

徐不克

字子

睡裏扁舟過。危橋覺後驚。世途危更險。人在夢中行。

登第作

邑人

夏從壽

字如

紫騮馱醉出瓊林。紅杏香中日未沉。萬斛韶光春不老。九
重恩命寵方新。忘身徇國平生志。移孝為忠一世心。遙想
雙親倚門望。笑拈飛報是泥金。

補衣

邑人

朱承爵

字子

駝衣我十年餘。蠹食成行學篆書。每為擁吟留野寺。幾
因沽酒典村墟。衝寒出郭籠雙袖。冒雪看山曳後裾。試倩
山妻聊補綴。牛衣雖好恐難如。

清明日遊橫山

邑人

徐尚德

字若

清遊得佳節。折柳自依依。泉細花流澁。磴寒人渡稀。衝泥

江陰果云
妨蠟屐。掃石損苔衣。停午喧囂起。蕭然獨咏歸。
近見莫城耕者得石箭鏃示予。蓋千年物也。此處乃

南唐藩將莫寵戰死之地。舊聞紅光射空。人謂莫

城劍氣。今卽物有徵。賦詩傷事。徐尚德

南唐霸氣歛江東。藩將誰知有莫公。金鏃射殘猶鍊石。丹

心歷盡化成虹。麟。繪千年閣。狐兔嘗穿半畝宮。自昔

英雄只如此。可堪揮淚弔孤忠。

題方艸牕江灣小桃源。邑人湯沐。字新

誰將小島擬桃源。箇裏分明隔世喧。花謝花開還甲子。潮

生潮落自朝昏。幽亭結縛無多處。老我來遊已二番。地主

多情成久戀。東山莫作謝公墩。

賦得白龍洞送羅學伊還泰和。邑人張簡。字允

洞壑何年開。砢砢龍所宅。燠旱生殷憂。藉爾布膏澤。先生

人中龍。胡敢狎其謫。去去作甘霖。怒浪飛晴雪。

聯句送劉符卿克柔。邑人張簡

樓船鼓吹發清江。史良。髻白紛紛擁去幢。千里湖湘踪跡

半。百年風雪髻毛雙。欲憑郵信聞鳴珮。黃昭。且合騷壇

築受降。醉後憶君詩夢醒。高賈。一尊何日對山牕。良佐

遊石灣。邑人季文昌。字南

氤氳海氣雨濛濛。二島初晴掛斷虹。石洞仙橋奇可探。也

仁會系卷七 詩 九十三 崇禎十三年

須潮落路纔通。

題何廷濟所藏竹鶴老人畫卷

邑人徐文經字直夫

袁州太守人中龍。千秋御氣遊鴻濛。飄然滄海不復返。尚留遺跡藏崆峒。素綃咫尺恍瑤圃。萬壑雲霧生虛空。懸想當時下筆處。十日解衣盤礴中。盡超三昧了無事。婆娑九十稱仙翁。流傳數世永弗替。神物呵護傳無窮。

白豐牧笛

稷山十景之一

華亭錢

福字與謙

白豐村頭落清響。醉卧蓑衣鼓雙掌。秋風蘆脆不禁吹。返照山明尚堪賞。青牛未出老子關。碧樹且擊唐堯壤。陳翁去去已成仙。聽鶴南飛我當往。

江上聯句

有序

錢福

弘治辛酉秋九月。江陰徐侯賓賢延余于道院。慎擇賓從。得薛堯卿章憲。徐直夫經。聚首。余以為奇遇也。連榻夜話不能寐。又不忍別去。相與效韓孟先輩為聯句。二十韻。噫。二難四美。振高風于千載。龍蟄蠖信。抹浮雲于一睫。辭非所較。情或可陳。後之覽者。當有感於斯言。

次老菴葭瓦欲霜。福篝燈晤語雜寒蟄。先生坐擁青綾被。

章憲孺子言求白練裳。莢酒壁寒烘滿盞。經芸編競富亂

攤床。夙心自快夜不寐。福壯志未甘宵監降。啖紫圍參蘆

菹酢。章憲嚙黃矮菜葑萍漿。隔隣鼾睡或時寤。經對榻歡

噴發出狂。鼓角遞聲。思戰伐。福珮環生響。憶趨蹌。旋驚燭
跋一寸許。章憲不道日高三丈強。敢復踰垣同泄柳。經聊

須畏壘著庚桑。鹿蕉夢醒哄堂笑。福燕麥吟成。逸戶行手
搏空拳。鏡白戰。章憲眉分曲局。宛清揚。高歌起。鼓暉之缶。

經突舞行持伯也。璫力歇。扶搖鵬。鏡翻。福心驚霹靂。雁悲
剗。談雄翡翠。霏金屑。章憲神朗蟾。蟠瑩玉。肪夜警雞鳴。思

越石。經空橫隼。擊定礮。姜忽從春去。傷鶻鳩。福已覺秋高
愛鷓鴣。那訝柳肢隨象板。章憲差疑瓠齒露犀鬚。麴叢惹

苾謝藥餌。經炬枚餒。饑儲糗糒。牙頰闌干。便首霜。福骨毛
恣禱倚篔簹。寓公他日人應說。章憲便欲移家。苾召棠。福

遊君山

桐城方 豪 字思道

雙壁娟娟照布裘。江州豈但為風流。明朝江上多塵事。百
尺君山冒雨遊。

喜楊舍城新成

邑人 沈天麟 字楨伯

萬杵登登百雉新。崇溝巨壘插江濱。桑麻自昔歸田畷。鎖
鑰于今屬帥臣。虎負石堂無狡兔。雞鳴茅屋有閒人。城邢
城楚俱麟筆。銀瑄應標八尺珉。

過百丈湖雜言

邑人 徐從益

山蒼蒼。水茫茫。清風明月乘孤航。指下無詞按太古。天機
活潑魚鳥都相忘。山水之樂吾自得。興何長。

題破屋

邑人黃昭
字明甫

西風何事太狂顛。吹我茅茨屋頂穿。紅日射光來枕上。白雲拖影到床前。小鐺煮茗煎明月。紫硯濡毫醮碧天。半夜燃燈讀周易。長虹直貫斗牛邊。

御史馬子掌朱必東季明德陳良會主事林汝恒俱

以言事件旨罷職謫官有差於其行也詩以送之

邑人曹弘
字毅之

海樹連雲暗。燕花帶雨飛。啼鶯三月曙。逐客五人歸。聖代昭臣直。危言犯主威。賜環應有日。留却舊朝衣。

懷古二首

曹弘

郭璞並江留故宅。庾冰窮巷有沉碑。詞源共遠江聲轉。談柄空隨玉樹埋。景物漸催山色暮。風流真與古人違。憑君苦放尊中綠。一洗清秋萬古哀。

延陵墓遠大江回。孔氏親題十字碑。科斗真疑三代近。麒麟應控百蠻來。春秋筆在光千古。伏臘時聞奠一杯。欲識大賢名不泯。濤聲相續古今催。

虎跑泉

蘇州沈周
字啓南

定山有古寺。廢址垂千秋。咎人去云遠。虎跑泉尚流。緬懷宋先哲。結亭泉上頭。有美稚川孫。葺復追前修。時來聽泉鳴。戛擊鏘琳瑯。下瞰一泓碧。心境同悠悠。返本當還源。樂

江陰縣志
修
哉在斯丘。天地猶傳舍。日月無停軌。願言亭不壞。永鎮茲山陬。

題繆苔石遺稿

沈周

苔石新編僅拾遺。絕勝楓落一窮辭。我從南渡識此派。誰謂澄江真少詩。藥物生涯老堪倚。梅花影子自相知。于今地下尋潘閔。倡雨酬風兩得宜。

先生有病猶有藥扶持老自贊有梅花弄影之語

邊永曲

館選題

邑人

張袞

字補之

涼風悠悠天際起。時菊叢芳淨于綺。牕含月色炤人明。可憐獨宿孤房裡。霜寒艸白胡馬肥。萬山蕭條木葉稀。正人萬里音信杳。今夕愁對閨中機。指拈弱線斷腸繫。故衾猶戀相思意。傳與將軍謾息爭。武皇已悔開邊計。

寶訓實錄成

賜宴謹身殿

張袞

中使傳宣宴謹身。秋花寶殿啓芳辰。三朝訓錄開鴻運。一代光華際聖人。斧辰近瞻龍表異。雀旗遙送鳳厨珍。分明天語雲霄下。爲道官家酒放頻。

顧山寺

張袞

窈窕村中寺。分明小洞壺。松峯龜轉顧。篁徑鳥來呼。古樹橫樓出。奇葩驚世無。嬌疑桃萬萼。紅勝橘千奴。屈幹蟠生鐵。深枝亞寶珠。楚妃羞醉臉。羸女泣瓊膚。紺荀何方產。優羅象外殊。東風催錦瑟。落日繫金駒。歎息精靈異。論看年

代祖未容螻蟻食。空仗鬼神扶。

桂枝香

冬日登君山看晚江

張可來

長江落木正返照西來。畫圖一幅。東望海門砥柱。錦雲如
簇。半山亭上看來往飛帆追逐。水長蛟龍春生鴈鶩。乾坤
發育。自擺脫紅塵萬斛。喜冬日朋來。醉遊清澳。黃歇心
機。枉殺身名俱辱。古墓纍纍山一足。苔蘚深碑幾人讀。愁
來攜酒上高山。且和滄浪一曲。未與番書數。豈關公食

送劉克柔戶部

壽張

殷雲霄

字近夫

三月寒如此。海濱春到遲。無因芳艸別。况是落花時。南國
征急。中原鼓角悲。今朝詎離恨。歸思遶天涯。

遊二島

殷雲霄

海鯨吹雨風濤壯。山鬼披蘿石徑幽。寂莫江天雲霧裏。浩
歌今日為誰留。

季子墓

雲南

李元陽

字仁甫

何事春申國。能存季子墳。孤巒蒙弱柳。虛閣入流雲。天地
徐君劍。江山魯聖文。千年吾酌酒。藉艸坐斜曛。

題二島

李元陽

江上危臺草樹青。鯨魚跋浪春冥冥。笛前汀鳥自雙沒。澤
畔漁歌爾獨醒。吞海有人誇酒聖。衰桃無賴倚江靈。碧雲
暮合不歸去。興在滄浪五月舲。

江上感懷

潞安任環字應乾

去年走馬燕山道。今日驅兵滾海涯。三尺龍泉書萬卷。丈夫何處不為家。

放船中道轉狂風。雪浪排山一點篷。宴寢先生明且死。安危不在海濤中。

繳墩四詠

曹駿字了進

珊瑚寺裏玉堆梅。造化所秘真奇材。先生有意相料理。材老未可出山來。

寺東梅

天矗五松于雲長。何事獨向深山藏。闕宮清廟未需汝。飲

水食雪心難忘

五松

路旁之星何年隕。勁質蒼顏鳥不窺。樵童牧子相持護。古

意須教造化知。鳥不糞石

池名功德何年水。蓮似禪心此日花。玉堂何處無春色。拋

向寒江處士家。放生池

憂旱行

曹驂

金風逆行南斗第。玄龜無光斗柄折。赤日下炤坤軸絕。炎歊毒山山石裂。東南之地再流血。安得風吹闔闔開。萬里笑聲動天闕。

妖虹公然貫白日。東南雨氣西方出。雷公縮項雲中卧。應龍抱珠海底蟄。去年餘丁今年畢。地下飢魂可得知。明年

無泪澆寒骨

六懷詩

曹 駿

晨登北郭門。道上白楊墓。蕭蕭起悲風。瀝瀝帶寒雨。誰云公侯碑。苔斑石成古。生前梁竇徒。不禁牛羊路。春申君

長江帶孤邑。此地稱三陽。逆知五胡亂。道跡此中藏。海水成桑田。靈墟久蕪荒。達人自龍躍。江海空奔忙。郭景純

傳聞庾冰宅。持法施空王。浮圖入霄漢。鈴鐸渺扶桑。晉代風流主。千年雲日荒。至今埋劍處。夜夜騰龍光。庾冰

梧溪席帽山。此地着前賢。水潤苔根沒。墻荒野鹿閑。生前懷一飯。身後仰千篇。蘋藻憑誰奠。魚龍躍墨泉。王原吉

炯炯青暘生。神澤混魚目。玉樹委鴻荒。金骨隨樵牧。造化

閑靈闕。斯人不可復。哭之百年下。長風破廣莫。張藻仲

秋霽曉天出。明霞炤海門。風竿標梵刹。野鳥識泉源。車馬迢迢巷。牛羊暝暝村。漁樵孫作墓。佇立慰孤魂。孫大雅

臨江道院

曹 駿

秋歛寒江色。憑欄一望空。千年砧杵月。一院柳條風。沙渚潛歸翼。星河識臥龍。蕭疎霜露隔。翅短莫從戎。

鄉社

曹 駿

春風依舊一青氈。社鼓神歌又長年。芳艸碧梧盤馬路。冷雲淒雨賣餚天。山櫻成果行堪摘。溪女留魚射得錢。處處

江陰縣志
桑麻春酒熟。石郎廟下起楓烟。

登君山有賦

邑人 徐衍芳 字汝聲

古塚荒祠磴道旁。艸深日落下牛羊。山僧不識興亡事。到處攜茶強客嘗。

避暑曹氏山樓

邑人 陳鳳 字鳴岐

層空樓閣向明開。已許遊人避暑來。但覺西山增爽氣。不煩河朔勸深杯。天連海國風雷近。地接松杉鶴鶴回。三伏炎天自冰雪。疎簾清簟共徘徊。

亂後過故居

邑人 徐章 字明佩

蔓艸翳通徑。楊花暗去津。祇餘鶯燕語。猶似認歸人。

